

NGUNI OYU MELIKISEDEKI?



Atu kotamike mitwe yesu ku mupailo.

Oyandwa Taata Wakujulu, tula mvwa lwiimbo olu lwa *Kosyoma Buyo*, lutu bamba kuziba kuti nkukoonse nko tu konzya kucita kuteeti tukone zisyomezyo zili zyonse zya Leza, ku zisyoma buyo. Nkambo kuli lembedwe, “Zintu zyoonse zilakonzeka kuli baabo basyoma.” Mbuli mbo tulila, mbuli mwaalumi waka jisi mwana sikasuntu, “Mwami, Nda syoma! Ko Ndi gwasya kutasyoma kwangu.”

² Twa Ku lumba ku nguzu Zyako zipati, ciyubunuzyo Cako cipati ica Cako kuli ndiswe mu mazuba aya amamanino. Ci bamba myoyo yesu ku kkomana maningi a kuba a lutangalo loko, ku ziba kuti twa sika mu kukwabana a Leza muumi; Oyo cisimpikizya kujokoloka ncobeni mu bumboni, bwa kunyama a zintu, mbuli Mbwa kacita mu mazuba akainda, alimwi mbuli Mbwa syomezya ku buzuba obu. Tuli lumbide maningi kuli Nduwe, Leza wesu. Obu buzuba busiya awo kutakwe muntu uboneka kuziba nzila ya kuunka, tuli boteledwe loko kuti twa kajana cilawo cabukwabilizi, kampetu kabutontozi.

³ Lino kotuleleka sunu masiku, Mwami, mbuli mbo tu kanana Ijwi Lyako. A zisyomezyo zipedwe kuli ndiswe, akube kuti tuzibambilile mu myoyo yesu, kuzimamela caluyando, a ku ziswiilila a lulayo lwini lwa buleza. Nkambo twa cilomba mu Zina lya Jesu. Amenii.

⁴ [Muntu umwi waambaula ku Mukwesu Branham—Mul.] (Oh, eco ta ceelede kucitwa. I mulumbo wa luyandisyo? Tu beelede kucita. Tee beelede kucita eco. Nguni wacita eco? Ujisi mulandu?) Ndali kufundilizya mweendelezayi. Wa ti wayobolweda mulumbo wangu wa luyandisyo. Ta eelede kucita eco. Nda cilumba, Leza ulizi eco, pele Nsi—Nsi nda boolela eco pe. Ndamu lumba. Akube kuti Mwami amu longezye. Ndiyo cita zintu zyoonse Nze konzya. Ndiyo ubikka ncobeni mu milimo yakutolela lusyomo, kutegwa Nka zibe kuti waunka ku Bwami bwa Leza. Elyo ikuti na Mwami wayanda, Ndiyo ubweza, lwangu, koonse ku masi, kuleta Makani mabotu aya ngaonya ayo ngemwali kukkalila, kuswiilila mvwiki eyi, mpawo Ndi lizyi kuyo citwa mu nzila njo Mwa kausyoma. I Mwami andi gwasye kucicita.

⁵ Ndi lumbide maningi ku mweelwe wabantu mupati mvwiki eyi, alimwi kuli ndinywe no bantu abo bali ku zibelesyo zyakukwabana sunu masiku alubo a i—i mawaya a telefooni. Elyo tuli lumbide kuli umwi aumwi wanu oonse.

⁶ Billy wandaambila cifumo cino, wa amba, “Taata, ikuti noboola a ndime cifumo cino, kufuma, kuzwa biyo ku bucedo,

a kwiima abusena awa koonse ku masena aya a kulangilila bamatumbu kabanyonsya bavwanda babo mu myootokala, balo bantu bacete kaba kkede mu mvula eyo, kabalindila milyango kuti ijulwe!” Mwabona obo sikuupaupa Mbwe ngandaba ikuti na Nda mwaambila cintu cili coonse cita Bwini? Inga ndaba muntu mubyaabi wini. Ziindizimwi Nde elede kunyonganya, pele kutali kaambo kakuti Nda yanda kucita, ngu kaambo. . . Ta ndili ndime ndinyonganya. Bwalo Mbwini obo bunyonganya. Elyo Nda—Nda. . . Pele Nda syoma ako nkekaambo nco muboola, nkaambo Ndili sinizizye cakululama kwini kuli ndinywe, a kucita koonse oko nko Ndi konzya kumu gwasya. I Mwami agwasye umwi aumwi wanu oonse.

⁷ Elyo eno Ndi yanda kulumba bantu ku kubelekela antoomwe kwabo kubotu, bantu ba dolopo kuno, akwalo, abo batupa, batu lekela kubbadelela kubelesya buyake obu bwa cikolo, buyakebupati obu a buyakebwaku nyanyaazya mibili. Elyo Ndi yanda kulumba basilutwe ikuti na muli ano. Elyo akwalo Ndi yanda kulumba Thurston Colvin, uli ngu mulonda kuno, ku kubelekela antoomwe kubotu oku mu kutugwasya kujana eci a kuba andiswe busiku abusiku.

⁸ Twa lumba ku nkamu ya basilikali iba Jeffersonville ku kuboola kuno a kulangilila, akubbadelwa kwaansi loko. Ndi yeeya kuti kutandila madollar obile mu oora, kuti basilikali baka bikkwa awa ku ncito nsalensale, kubikka myootokala, ku bona kuti kwa kanyina. . . taakwe cintu cacitika, a zintu zyoonse zyali kabotu. Tuli lumbide ku bantu nkambo ka ceeco. Elyo ku i—i, akwalo, injinia awa aa i—i kakamu kendelezya, Nda mubona. Elyo aboonse abo bali cizo kuli ceeci, tuli lumbide ncobeni kuli ndinywe.

⁹ Nda lumba umwi aumwi wanu ku zipo. Billy wazwaa kundiletela, eli sikati, i—i cipo, zisyoonto zyalo, a mabbokesi, maswiiti, a zimwi zimbi. Elyo cimwi cazyo cali i—i Zilongezyo, antoomwe a cifwanikiso ca Kristo caka bambwa muli nco—ncico, Nkambauko aa Cilundu. Elyo cali cibotu ncobeni. Nda mulumba ncobeni. Elyo zintu zinji loko, Ta ndizi nzila yaku mulumba. Mpawo, akwalo, ku lugwasyo lwanu—lwanu, kubikka mali mu muswaangano, tula cilumba ncobeni, a moyo wesu oonse. I Mwami amu longezye umwi aumwi wanu, cabuvubi.

¹⁰ Billy wati, kwali bantu banji, mboli kubuzya ku muswaangano wa kubuzyanza kumbali kuciindi. Elyo banji balomba a alimwi bajisi bavwanda bakutuula. Oh, obo mbo Ndi yanda kucita eco!

Pele, nywebo mwabona, Nda boola ku ciindi eci, nca kubinda loko. Nde elede kukkala ncobeni, ciindi coonse, mu kubala, Ijwi eli a mupailo, ku kaambo ka kuleta Milumbe eyi. Mwabona, ta ili. . . Ila—ila gambyamaningi kuli ndiswe, nkaambo nkujana luyando lwa Leza elyo mpoonya ku kanana zintu. Elyo zyoonse

ezyo zyeedelede kuswaana antoomwe, a kulomba Leza kuti nguuli uatalika kuba.

¹¹ Lino, Mwami nawayanda, tuyo joka cainoino, kufumbwa twa konzya kujana buzuba. Nda kabamba i—muzeezo wini, na—na kwaamba cintucimwi kujatikizya Pasika. Inga cabota ndalingula eco, nkaambo Ndi yeeya kuti Ndi jisi matobelanwa mu California kutandila ciindi eco. Aboobo eco inga calubila. Nekubaboobo, cindi twa joka alubo ku cikombelo, tuyo mutumina kkardi, a mbungano, a—a kumupa i—i buzuba a ciindi. Mpoonya Njo, ndiza ku ciindi eco, alubo. . .

¹² Nse na bikka ciindi cili coonse ku kupailila baciswa. Tee twaka jisi kuswaangana cakuti twa kaleta bantu kumbele a kuba pailila. Twa kali kuba tumina ku masena. Elyo bakwesu besu kuno bali kukambauka, Mukwesu Lee Vayle a Mukwesu. . . Aba bakwesu bamwi bali kukambauka, aku kombela baciswa, a kucita lubapatizyo lwa maanzi, kubapatizya, mubwini, a kundilekela endikke kuba a Ijwi. Twa balumba baalumi aba. Ba cita mulimo uboteleza.

¹³ Kuli beenzuma banji loko kuno mbe Ndi yanda kuswaana. Nda langa aansii a kubona John a Earl. Elyo ngooyu Mwiiyi Lee Vayle, umwi waba beendelezyi ba muswaangano wanguzu. Mukwesu Roy Borders. Balo baalumi, Nse jisi akwalo. . . Nse ndacita cimwi cita buyo kusuka maanza abo. Nse ndajisi cindi ceelede cakucita. Ndi yeeya kuti beenzuma bangu kuzwa ku Kentucky, a beengelede kuno, beenzuma bakutausi, obo mbo Ndi yanda kusukana maanza abo! Mukwesu Blair, Nda kamubona awa buzuba bumwi. A banji baalumi abo mbe Ndi—Ndi yanda, alimwi bakali ku miswaangano misyoonto, elyo Nse na akwalo cita nekuba kusukana maanza abo. Ndi—Ndili mukusola. . . Ta kuli kuti ta Ndi yandi kucita obo; ngu kaambo kakuti Nse jisi ciindi cakucita, nkabela Ndi bindaana buyo.

¹⁴ Kutuula bavwanda, masimpe. Mwana wangu wini, muzukulu wangu wini wakeelede kutuulwa ku muswaangano oyu. Nse ndajisi ciindi caku cicita; David muniini. Ndime syanyinakulu, kwabili eno. Aboobo, Ba. May, ikuti na nkobali sunu masiku, abo bakandipa kakoli aka, kuboneka kuti Nde elede kuyo kabelesya cainoino maningi.

¹⁵ Aboobo, alimwi Nda kaambila Billy, Nda kati, “I Bbaibbele lya kaamba kuteeti ‘amukavuzye a kuzyala aa nyika,’ pele mukuli oonse tee wakapegwa kuli nduwe.” Elyo bazukulu aba bali mukuyutuka cakufwambaana.

Elyo aboobo, amuyeeye, mukamwanaangu wakali musundi, ku kutalika. Ta kali kukonzya kuzyala bana. Elyo buzuba bumwi, kandizwa ku muswaangano, Mwami waka ndaambila a kuti, “Loyce, uyo zyala mwana mulombe. I Mwami wa kulongezya. Ipenzi lyako lyaku bukaintu lyamana.” Paul muniini wakazyalwa, kumane myeezi ili fuka.

¹⁶ Myeezi yobilo muvwanda oyu katana boola a cilao, Nda kali kkedede, kandilya kalimbabula cifumo cimwi, aa tafule, elyo Loyce a Billy bakali kkedede ku lubazu lumbi lwa tafule kuzwa kuli ndime. Elyo Nda kabona Loyce kanyonsya muvwanda muniini a pinki...na ngubo ya bbulu kaimu vungaidwe. Elyo Billy wakali kkedede ku kkona, kasanina Paul muniini. Nda kati, “Billy, Nda bona biyo cilengaano. Loyce wali kunyonsya muvwanda kavungaidwe mu ngubo ya bbulu.”

Wa kati, “Ndoolo lwaba lweendo lwangu lwa kuvwima. Eyo myeezi biyo ili fuka kuzwa eno.”

Kumane myeezi ili kkumi aumwi, David muniini wakazyalwa. Elyo Nse na konzya akwalo ku mutuula ku Mwami, alimwi nsekocita kusikila twa bweeda alubo. Aboobo nywebo mwabona mbo cibede.

¹⁷ Obo mbo Ndi yanda bantu a luswaanano lwabo! Pele bakwesu bangu bali kukombela baciswa, elyo Ndi lizyi nku zwidilila. Busiku abusiku twa kakombela baciswa, umwi kabikka maanza akwe ali umbi, toonse swebo antoomwe, kwalo nzila eyo ijata makani alanganisigwa oonse. Pele ndiza, ikuti na Leza wayanda...Ndiyo ceengela aa kkardi, ikuti na twa lituma. Kujokela, Ndi yanda kutuula kutandila mazuba obile na otatwe, alubo, kukombela buyo baciswa a kucita eco nco tukonzya mu cilengwa eco. Lino, alimwi Nda lumba bantu ku lugwasyo lwabo, alubo.

¹⁸ Lino Ndi yanda kwaamba biyo, kaindi biyo kaniini, ali i—ali i Mulumbe wa cifumo. Kwiina kuzumbauzya, Nsi ndaumanizya kumaninina, pele Ndi yeeya kuti mwamvwsya. Elyo Ndili masimpe teemwa...Ta mukazibi eco mbo cakabede kuli ndime kucita.

¹⁹ Lino, ciboneka kuba citete loko kuli ndinywe. Pele, nywebo, nywebo mwabona nco mucita? Nywebo mubweza busena bwa Leza, kukosola makani a Cintucimwi. Elyo ka Ndi tana kucita eco, ceelede kuboola kacili bwiinguzi kuzwa kwa Leza. Elyo Wa kacita kuseluka ansi, elyo Wa kalitondezya kubuleya Mwini cantangalala, a kupa Ciyubunuzyo. Aboobo, mwabona, eci nca ku Mbungano. Elyo amuyeeye, Nda kati, “Ezi, eci nce Nda amba, cali nca ku Mbungano buyo.”

²⁰ Elyo kutegwa mube a kaanzambwene a ku ziba, kuti Leza nguonya oyo wa kaamba kuli ndime oko kwakanyina sikaale. “Koamba, a kukanana awo nko bayoobeda.” Elyo ziindi zyoatatwe zitungene caka citika. Lino, ikuti na inga Wa konzya ku Ijwi eelyo ndyoonya kulenga cintucimwi eco citako, nkunji buti Eci nkociyo jatilila ku Buzuba bwa Lubeta! Mwabona? Bantu bakaliko kubona zintu ezi, a kuziba. Mbuli Paulo mbwakati, mu mazuba akainda. Kwakali baalumi bakali a nguwe, abo—abo bakamvwa nyika kuzungana; nkabela tee bakamvwa jwi, pele ba—kabona i—i Musumpululu wa Mulimo.

21 Ca ka ndigwasya, nekuba, nica kamana; ku bona balumi a bamakaintu, abo Mbe ndizyi kuba Banakristo bakasimpe, kabagwambatilana umwi aumwi a koomoka.

22 Elyo amuswilile, beenzuma, Leza ulasimpikizya Ijwi Lyakwe ku zitondezyo a zisimpikizyo, ku tondezya kuti Lili luzi, Ijwi lyakaambwa. Lino amuyeeye, Mumuni oyo wakali mu Kkumbi eelyo, oyo wakapa Ciyubunuzyo. Nda kali . . .

Mwana wangu musimbi muniini wakali kundaambila, Sarah awa, kuti cindi ba. . .Eco cikolo kuya mu Arizona cakali kulanga mujulu kuya mu mulengalenga uutakwe makumbi, elyo kubona Kkumbi eeli lyamaseseke mu cilundu eco, kaliya mujulu aansi, kali jisi Mulilo wa mubala uusangene kusalaluka ayello kauyaka muli Ndilyo. I mwiiyi wakagwisya nkamu zyaba sicikolo a cikolo, a kuba leta aanze kumbele, a kwaamba, “Sena mwaka sola kubona cintu cili mbuli eco? Amulange nzila mbocibede kuya.”

Amuyeeye, oyo ngo Mumuni nguonya wa mubala uusangene kusalaluka ayello uuli aa mwaala. Aboobo ngu Leza nguonya, Ciyubunuzyo nciconya, kaamba, “Baambile kucita *eci*.” Nce nciconce Nda mwaambila cifumo cino, aboobo Nceeco we.

23 Ikuti na kwacitika kuba kuti mweenzuma oyo mubotu, Mukwesu Roy Roberson, ula swiilila ku kapepele mu Tucson. Roy, ula yeeya, buzuba bumwi, cilengaano nco kabona ciindi notwakali kubusena katwiimvwi aa cilundu? Wa kaboola kuli ndime, nkabela Kkumbi eelyo lyakali kuya aatala? Ko selemuka, ulizi eco Nca ka kwaambila; nkabela Nda ka kwaambila ku ng’anda eyo, buzuba bumwi? Nce ncico, Roy. Uta cipengi limbi, mulombe. Ca mana.

24 Ta muzi biyo eco nco caamba! Ndu zyalo. Ula muyanda. Elyo mula Mu yanda, amu Mu belekele cabubombe a ku Mu komba ku mazuba anu asyeede. Amu kkomane, amu zumanane a kupona mbuli mbo mubede. Ikuti na muli kkomene, amu zumanane nzila eyo. Muta kasoli kucita cintu cili coonse cilubide alubo, mbuli eco. Amu zumanane biyo. Ndu zyalo lwa Leza.

25 Lino Ndi yanda kukomba alubo katutana njila mu Ijwi. Bali bongaye bayo ndikombela? Ndu unka biyo kuzwaku muswaangano kuyaku muswaangano. Sa muyo komba?

Nywebo mulizi, Ndi yanda ku mwiimbila kaimbo kaniini, toonse swebo antoomwe, katutana kuya ku Ijwi. Biyo ku. . . kutegwa inga twa ziba Leza. . . Biyo kutuula kuniini. Sena mwa kasola kumwa kaimbo aka kaniini, *Ula Ku Cebuka?* “Kwiinda mu kubala kwazuba a kuusa, Ula ku cebuka.”

26 I mulindu muniini uboola ku piano. Kwaamba, Ndi yanda kulumba mulindu oyu muniini, awalo. Tee ndazi akwalo kuti walini. Nguumwi wa bana basimbi ba daikona kuno. Ndi masimpe. . .mwana musimbi muniini wa Mukwesu Wheeler. Waa komena lino. Waa kali kantu kaniini loko ako nkenda

kabikka aa mau lu angu, kutali cindi cilamfu cainda, elyo eno mwanakazi mukubusyi. Aboobo Nda mulumba masimpe kuti waa belesya talenta lyakwe muli zyakubamba ziimbo, alimwi eno ula lizya cabubotu maningi. Sa inga watupa bulile, mucizi? Toonse swebo atoomwe eno.

Ula ku cebuka,
Ula ku cebuka;
Kwiinda mu kubala kwazuba na cinzinziimwa,
Ula ku cebuka.

Mula iyanda eyo? Atu yiimbe alubo, toonse antoomwe.

Ula ku cebuka,
Ula ku cebuka;
Kwiinda mu kubala kwazuba na cinzinziimwa,
Ula ku cebuka.

Mukwesu Dauch, Ula ku citila, ayebo, mukwesu. Sena mula Mu yanda? [Mbunga yaamba, “Ameni.”—Mul.]

Atu kotamike mitwe yesu eno.

²⁷ Oyandwa Leza Siluzyalu, a bulile obu buniini awa bwa zintu zisyoonto zya kwaamba ku bantu, a kujoka lubo ku kwaamba kujoka ku cifumo eci, nkambo eco ncencico bantu ncoba boolela kumvwa. Nda lomba, Leza, kuti Uyo lekela bantu kubona kuti Leza ulayanda aku cebuka. Elyo tee cakali cangu cakapa Eco, Mwami, caka simpikizigwa kuti bwakali Bwini. Aboobo Nda lomba, Oyandwa Leza, kuti luyando Lwako luyo syaala akati ka bantu. Sunu masiku, kuba a kwandaana kwamana muswaangano oyu a kwiinka ku maanda esu andeene, ci—ci baanga cila tukwela, kumwi, kusakene, Mwami. Nda lomba kuti Uyo longezya bantu aba.

²⁸ Lino mbuli mbo tuswena ku Ijwi, mu mupailo, a kuswena ku Ijwi lilembedwe, twa lomba kuti Uyo bweza Ijwi eeli lilembedwe a ku Li bamba kuba lipona kuli ndiswe sunu masiku. Elyo cindi twa siya buyake obu sunu masiku kwandaana kuya ku maanda esu andeene, akube kuti twaambe mbuli baabo bakazwa ku Emau, abo bakeenda a Nguwe buzuba boonse nkabela nekubaboobo teebaka Mu ziba; pele cindi Na kabanjizya mu kaanda masiku ayo, a zitendele zyoonse zyakajalwa, Wa kacita cintucimwi mbubonya biyo Mbwa kacita kakutanaba kubambulwa Kwakwe. Kwinda kuli eco, ba kaziba kuti Wa kabuka alubo.

Kocicita alubo sunu masiku, Mwami. Ko cipa, kuciindi zitendele nozijalidwe, alimwi nkamu Yako niini awa kaikkede, kailindila. Elyo, Taata, cindi twa unka ku maanda esu, tuyo amba mbuli mbo bakacita, “Sena myoyo yesu tiiyapya muli ndiswe mbuli Mbwali kwaambaula kuli ndiswe mu nzila!” Twa lipa lwesu, a koonse, mu maanza Aako, Mwami. Ko tucitila mbuli Mbo bwene kweelede. Mu Zina Iya Jesu. Ameni.

²⁹ Lino atu njile moonya mu kuswangana lino, cakufwambaana. Kujula lino a ndime, ikuti na muyanda, ku Bbuku lyaba Hebrayo, a ciyubunuzyo cimbi aa Mulumbe. Tuyo kanana biyo kwa kaindi kasyoonto sunu masiku, Mwami nawayanda. Elyo mpoonya kuciindi cakubala tumpango totatwe tutaanzi twaba Hebrayo 7:1 kusikaku 3, elyo mpoonya kukanana ali eci. Elyo ta tuzi eco Mwami ncayo cita; ta tuzi. I cintu buyo nco tucita nkusyoma buyo, kulangilila, kukomba. Mbo mbubo? Elyo kusyoma kuti “Uyo bamba zintu zyoonse kubeleka antoomwe ku bubotu kuli mbabo abo ba Mu yanda,” nkaambo Wa kasyomezya kucita.

Nkambo oyu Melikesedeki, mwaami wa Salemu, mupaizi wa Leza sijulu wamajulu, oyo waka swaana Abraham kajoka ku kujaya bami, a kumu leleka;

Kuli nguwe akwalo Abraham wakapa cipanzi ca kwakkumi kwa zyoonse; kusaanguna mu bupanduluzi bwa Mwaami wa bululami, elyo kumane obo akwalo Mwaami wa Salemu, uuli ngu, Mwaami wa luumuno;

Atu bale ambele mbicaana.

Utakwe wisi, utakwe banyina, utakwe mukowa, . . . akwalo utajisi matalikilo a mazuba, na magolelo aa buumi; pele wakabambwa kuba mbuli Mwana aa Leza; ulakkalilila kuba mupaizi kwalyonse.

³⁰ Amuyeeye Muntu oyu mupati, a nzila Muntunsi oyu mbwaelede kuba mupati! Elyo lino, mubuzyo ngwa kuti, “Nguni oyu Muntunsi?” Basilwiiyo lwabukombi baka jisi mizeezo yandeene. Pele kuzwa ku kujulwa kwa Zinamatizyo zili Ciloba, Bbuku lyamaseseke eelyo lyakali lyamaseseke kuli ndiswe. . . Kweendelana ku Ciyubunuzyo 10:1 kusikaku 7, makani aasisidwe oonse ayo akalembwa mu Bbuku eeli, ayo akasisidwe muciiindi coonse ca bukkalo bwa basikubambulula, eeledede kuzibisigwa mu kuboneka kwindi kuli angelo wa bukkalo bwa mbungano ibwa mamanino. Mbangaye bazi kuti eco cili luleme? [Mbunga yaamba, “Ameni.”—Mul.] Cili luleme, eeledede kuletwa. Makani oonse aasisidwe aa Bbuku lyamaseseke lyeledede kuyubununwa ku mutumwa wa Laodikeya iwa bukkalo obo.

³¹ Mukubona kuti kuli kukazyanya kunji kujatikizya Muntu oyu a ciiyo eci, Ndi yeeya kuti cileledede kuli ndiswe ku cinjila canguzu, kuziba kuti Nguni oyu. Lino, kuli nzila zisyoonto zimwi zya kuyeeya ali Nguwe.

Nzila imwi ya kuyeeya njakuti, ulataminina, “Wa kali kaanobuyo. Ta kali muntu mubwini.”

Elyo bamwi balati, kuti, “Bwakali bupaizi. Oyo wakali bupaizi bwa Melikisedeki.” Oyo nguumwi uulangilwa loko, oyo ujisi kabotu ku lubazu kwiinda mbo bacita kuli lumbi, nkaambo baamba kuti bwakali bupaizi.

Ta cikonzayi kuba eco, nkambo mu kampango ka 4 Lya amba kuti Wa kali Muntu, i “Muntunsi.” Aboobo, kutegwa abe Muntu, We elede kuba bubebwabuntu, i “Muntunsi.” Kutali bubambe; pele Muntu! Aboobo Ta kali biyo bubambe bwa bupaizi, akwalo Ta kali kaanobuyo. Wa kali Muntu.

³² Elyo Muntu ngo Uutamani. Ikuti na mwaziba, “Ta kajisi wisi. Ta kajisi banyina. Ta kajisi ciindi Na kasola kutalika. Elyo Ta kajisi ciindi Na kasola kugola.” Elyo Oyo wakali lyoonse ucili muumi sunu masiku, nkambo Bbaibbele lya kaamba awo, kuteeti, “Ta kajisi wisi, nanka banyina, matalikilo a mazuba, na magolelo aa buumi.” Aboobo Wa keelede kuba Muntu Uutamani. Sa mbo mbubo? [Mbunga yaamba, “Ameni.”—Mul.] I Muntu Uutamani! Aboobo inga waba buyo Muntu omwe, oyo ngu Leza, nkambo Walo alikke luzutu ngo Umwi Uutamani. Leza!

³³ Lino, muli Timoteo Mutaanzi 6:15 a 16, ikuti na muyanda kubala eco cindicimwi, Ndi yanda muka cibale.

Lino, cintu nce Ndi lwanina nku, kuti, Wa kali Leza, nkaambo Ngo Muntu buyo oyo uatafwiki. Elyo eno, Leza kalicinca Mwini kuba Muntu; obo Mbwa kabede, “Taakwe wisi, taakwe banyina, taakwe matalikilo a buumi, taakwe magolelo aa mazuba.”

³⁴ Lino tu jana kuti mu Lugwalo bantu banji bayiisya kuti, “bubebwabuntu botatwe mu Buleza.” Aboobo, yebo tokonzayi kuba a bubebwabuntu kakutakwe kuba muntu. Ci tola muntu kupanga bubebwabuntu.

I mukutausi wa Baptisti, mvwiki zisyoonto zyainda, waka boola, a ku ng’anda yangu, a kwaamba, “Ndi yanda kukululamika a Buleza ciindicimwi wano jisi ciindi.” Wakandi tumina luwaile, mubwini.

³⁵ Nda kati, “Ndi jisi ciindi ndyoonya lino, nkaambo Ndi yanda kululama, nkabela twa bikka aambali zintu zyoonse zimbi, ku cicita.”

Elyo waka boola, wa kati, “Mukwesu Branham, uyiisya kuti kuli Leza omwe luzutu.”

Nda kati, “Iyi, munene.”

Wa kati, “Ee,” wa kati, “Nda syoma kuti kuli Leza omwe, pele Leza omwe mu Bantu botatwe.”

Nda kati, “Badaala, amucilolole alubo.”

Wa kati, “Leza Omwe, mu Bantu botatwe.”

³⁶ Nda kati, “Nkuuli ku cikolo nko kainka?” Mwabona? Elyo waka ndambila i—i kkoledi lya Bbaibbele. Nda kati, “Inga ndasyoma eco. Yebo tokonzayi kuba muntu kakutakwe bubebwabuntu. Elyo ikuti na uli bubebwabuntu, yebo uli bubebwabuntu bomwe kuli lwako. Uli andeene, cilenge cigame.”

Elyo wa kati, “Ee, basilwiiyo lwa zyabuleza taba konzyi akwalo kupandulula eco.”

Nda kati, “Nca kwiinda ku ciyubunuzyo.”

Elyo wa kati, “Nse konzyi kutambula ciyubunuzyo.”

³⁷ Nda kati, “Nkokuti kwiina nzila kuli Leza kusola kusika kuli nduwe, nkaambo, ‘Cili sisidwe ku meso aa basongo a basimaanu, nkabela cayubununwa ku bavwanda,’ cayubununwa, ciyubunuzyo, ‘cayubununwa ku bavwanda mbuli abo bayo citambula, kwiiya.’” Elyo Nda kati, “Kuno nyina nzila kuli Leza kusika kuli nduwe; yebo wali jalila kuzwa kuli Nguwe.”

I Bbaibbele mbolizulwa nciyubunuzyo ca Leza. I Mbungano mboizulwa iyakidwe a ciyubunuzyo ca Leza. Taakwe nzila imbi yakuziba Leza, cita ku ciyubunuzyo. “Kuli oyo Mwana ngwayo Mu yubunwida.” Ciyubunuzyo; zintu zyoonse nciyubunuzyo. Aboobo, ku tambu- . . . Kutatambula ciyubunuzyo, mpoonya uli buyo silwiiyo lwa bukombi uutontola, nkabela kwiina bulangizi bwa nduwe pe.

³⁸ Lino, lino, tu jana kuti oyu Muntu “taaka jisi wisi, jisi banyina, jisi kutalika kwa mazuba na magolelo aa buumi.” Wa kali Leza, *en morphe*.

Lino, inyika, bbala lizwa, bbala lyaci Griki, lyaamba, “kucinca,” lya kabeleseghwa. Kulicinca Mwini, *en morphe*, kuzwa kuli omwe Muntu ku . . . Omwe muntu; bbala lyaci Griki awo, *en mophe*, lyaamba . . . Lya kagusigwa kuzwa ku musobano iwaa cibumbili, kuti muntu omwe kacinca cizwato cakwe, ku mubamba kuba syakacite uumbi.

³⁹ Mbuli mu—mu cikolo, cainoino biyo, Nda syoma, Rebekah, katana buyo kumanizya digrii lyacikolo, baka jisi kasobano ka Shakespeare. Elyo mwaalumi mukubusi omwe wakacita kucinca zikobela zyakwe ziindi zisyoonto, nkaambo wakasobana zibeela zyoatwe zyandeene; pele, muntu nguonya. Wa kalibonya, ciindi cimwi, wa kali simulandu; nkabela wa kalibonya ciindi citobela, wa kali syakacite uumbi. Elyo lino bbala lyaci Griki, *en morphe*, lyaamba kuti wa “kancinca cizwato cakwe.”

⁴⁰ Elyo ncencico Leza ncakacita. Ngu Leza nguwenya ciindi coonse. Leza mu ciimo ca Taata, i—i Muuya, Musumpululu wa Mulilo. I Leza nguwenya wakaba mu mubili wabuntu a kukkala aakati kesu, *en morphe*, wakazibisigwa kutegwa Walo abonwe. Elyo lino oyo Leza nguwenya ngo Muuya Uusalala. Taata, Mwana, Uusalala . . . kutali Baleza botatwe; milimo yotatwe, micito yotatwe ya Leza omwe.

⁴¹ I Bbaibbele lyakati, “Kuli Leza omwe,” kutali botatwe. Pele eyo nje nzila mboba takonzya . . . To konzyi kululamika eci akuba aa Baleza botatwe. Inga to konzya kucenga mu Juda eco. Ndiyo

kwaambila eco. Umwi oyo uuzi kabotu, ulizi kuti kuli Leza omwe luzutu.

⁴² Amubone, mbuli kubamba kwazibumbwa, ula sisa, kubelesya i—i cizwato cakucivumba. Eco ncencico Leza nca cita mu bukkalo obu. Cili sisidwe. Zintu ezi zyoonse zili sisidwe, alimwi zyeede kuyubununwa mu bukkalo obu. Lino, Bbaibbele lyaamba kuti ziyo yububunwa mu ziindi zyaku malekelo. Cili mbuli sikubumba kabambide mbali ya mulimo wakwe—wakwe kuuvumbidwe kusikila ku ciindi na vumbula cizwato kuli nguwo nkabela nceeco mbocibede.

Elyo mbombubo Bbaibbele mbo lyakabele. Lya kali mulimo wa Leza waka vumbidwe koonse. Elyo Lya kasiswa kuzwa kumalengelo a inyika, a makani Alyo aasisidwe aaliciloba. Elyo Leza wakasyomezya mu buzuba buno, ku bukkalo bwa mbungano eyi ya Laodikeya, kuti Uyo vumbula cizwato kuzwa ku cintu coonse nkabela inga twa Ci bona. Ino ncintu cabulemu!

⁴³ Leza, *en morphe*, kazwatide mu Musumpululu wa Mulilo. Leza, *en morphe*, mu Muntunsi uutegwa Jesu. Leza, *en morphe*, mu Mbungano Yakwe. Leza atala ali ndiswe, Leza uli a ndiswe, Leza muli ndiswe; kuliletaansi kwa Leza.

Kutala Kuya, kusalala, taakwe umwi wakali kukonzya ku Mu guma, Wa kakkala aa cilundu; alimwi akwalo ikuti munyama waguma cilundu, wakeelede kufwa.

Elyo mpawo Leza wakaselukila aansi a kucinca tente Lyakwe, a kuselukila aansi a kupona a ndiswe, wakaba umwi wesu. “Elyo twaka Mu bona,” Bbaibbele lyakaamba. Timoteo Mutaanzi 3:16, “Kakutakwe kukazya makani mapati aasisidwe aa buleza; nkambo Leza wakatondezegwa mu mbuli wabuntu, wakaampwa a maanza.” Leza wakalya cakulya. Leza wakanywa maanzi. Leza wakoona. Leza wakalila. Wa kali umwi wesu. Ncibotumaningi, cakatondezegwa mu Bbaibbele!

Oyo wakali Leza atala ali ndiswe; Leza uli a ndiswe; lino ngu Leza muli ndiswe, Muuya Uusalala. Kutali Muntu watatu; Muntu nguonya!

⁴⁴ Leza wakaselukila aansi akuba mubili wabuntu, nkabela wakafwa lufu, muli Kristo; kutegwa A salazye Mbungano, kutegwa anjile muli njiyo, nkambo ka luswaanano. Leza ulabotelwa luswaanano. Eco ncencico Nca kabambila muntu ku ciindi citaanzi, kali kaambo ka luswaanano; Leza ulakkala alikke, a ba Kerabimu.

⁴⁵ Elyo amubone eno, Wa kapanga muntunsi, nkabela muntunsi wakawa. Aboobo Wa kaselukila aansi a kunununa muntunsi, nkaambo Leza ula botelwa kukombwa. I bbala ndyoonya leza lyaamba, “cintu ca kukomba.”

Elyo eci ciboola aakati kesu, mbuli Musumpululu wa Mulilo, mbuli cintucimwi eco cakacinca myoyo yesu, oyo ngu

Leza nguwenya wa kati, “Akube mumuni,” nkabela kwakaba mumuni. Ngu mbobuca nguwenya, sunu, amuya myaaka.

⁴⁶ Lino, ku matalikilo Leza wakakkala alikke, a bube Bwakwe, mbulo mbo Nda amba cifumo cino. Eyo miyeeyo Yakwe. Kwakanyina cintu, Leza alikke biyo, pele Wa kajisi miyeeyo.

Mbuli biyo sikwaanza zintu mupati mbwa konzya kukkala ansi, mu muzeezo wakwe, a kudulong’a eco nca yeeya eco ncayo—ncayo yaka. Kulenga, lino, ta konzyi kulenga. Inga wabweza cintucimwi eco cakalengwa a kucibamba mu ciimo candeene; nkaambo Leza ni nzila buyo . . . buyo Umwi uukonzya kulenga. Pele uli jisi mu muzeezo wakwe eco nca yoocita, alimwi eyo miyeeyo yakwe, eyo nja yanda. Lino walo muyeeyo, elyo mpoonya ula waamba, nkabela ndi ijwi mpoonya. Elyo i—i ijwi ngu . . .

⁴⁷ I muyeeyo, cindi watondezegwa, ndi ijwi. I muyeeyo watondezegwa ndi ijwi, pele lyeede kuba muyeeyo lutaanzi. Aboobo, mbube bwa Leza; mpoonya uba muyeeyo, mpoonya ijwi.

⁴⁸ Amubone. Abo bajisi, sunu masiku, Buumi Butamani, bakali a Nguwe a muli Nguwe, mu kuyeeya Kwakwe, kakutanaba akwalo Angelo, nyenyeezi, Kerabimu, na kufumbwa cintu cimbi. Obo Mbutamani. Elyo ikuti na ujisi Buumi Butamani, wakaliko lyoonse. Kutali kuba kuno, pele bupange a ciimo cakuti Leza mupatikampatila . . .

⁴⁹ Elyo ikuti na Tali mupatikampatila, Tali Leza. Leza weede kuba mupatikampatila. Tula gola; Walo mupatikampatila. Elyo Wa kali uulikolyoonse, uuzizyoonse, a ujisi nguzuzyoonse. Ikuti na Tali boobo, nkokuti Ta konzyi kuba Leza. Uuzi zintu zyoonse, masena oonse, nkaambo ka kubakoonse Kwakwe. Uuzizyoonse ku Mu bamba kubakoonse. Walo Mbubebupona; Tali mbuli guwo. Walo Mbubebupona; Ukkala mu ng’anda. Pele mukuba uuzizyoonse, mukuziba zintu zyoonse, ku Mu bamba kubakoonse, nkaambo Uli zyi zintu zyoonse ezyi zicitika.

Taku konzyi kuba ntabwa iifwinya meso cita eco Nca zyi. Elyo Wa kali cizyi kakutanaba inyika, kuti nziindi zyangaye mboya kufwinya meso ayo, a kunji kwa mafuta mayumu nko ijisi muli njiyo, kakutana sola kuba inyika. Obo mbupatikampatila. Ta tukonzyi kukumvwisya a mizeezo yesu, pele oyo ngu Leza. Leza, mupatikampatila!

⁵⁰ Elyo koyeeya, yebo, meso ako, ciimo cako, kufumbwa mbokabede, wakali mu kuyeeya Kwakwe ku makankilo. Elyo cintu buyo mbobede nkutondezegwa, ijwi. Elyo Wa kaciyeeya, Wa kacaamba, elyo mpaawa mpobede. Ikuti na tacili obo, ikuti na tokali mu kuyeeya Kwakwe, takukwe nzila pe kuli nduwe kusola kuyooba kuya, nkambo Ngu Omwe oyo uupa Buumi Butamani.

⁵¹ Yebo wayeeya mbo twa bala Magwalo na? “Kutali oyu ula nyando, na walo uwilana, pele Leza!” Elyo kuti kukanza Kwakwe kukonzye kwiima bwini, Wa kakonzya kusala, kakutanaba ciindi cili coonse, oyo. Leza ulalyeendeleya mu kusala Kwakwe. Sena mwakalizi obo? Leza ulalyeendeleya.

Nguni wakali kaindi kuya ku Mwa ambila nzila mbotu loko ya kupanga inyika? Nguni unga waba acamba ku Mwa ambila kuti Wa kali kweendeleya mulimo Wakwe bulubide?

Akwalo Ijwi i ndyoonya—i ndyoonya, Lini, lilalyeendeleya loko. Akwalo ciyubunuzyo cilalyeendeleya. “Ula yubununa kuli oyo Ngwa yoyubunwida.” I ciyubunuzyo nciconya, cini, nkulyeendeleya muli Leza. Eyo nje nzila bantu mbo batwa ku zintu, a kusotoka ku zintu, a kuuma ku zintu, mukutaziba eco ncobali mukucita. Leza ulalyeendeleya mu milimo Yakwe.

⁵² Lino tula Mu jana ku makankilo, bube Bwakwe. Elyo, lino, wakali muli Nguwe kaindi. Mpoonya nce cindi Bbuku lya Buumi nolisika mu kuboneka.

Lino, tula bala awa mu Ciyubunuzyo capita 13, kampango ka 8, kuti, “I cinyama ciboola aa nyika,” mu mazuba aya amamanino, “ciyo cenga bantu abo boonse bali aa nyika bala mazina atakalembwa mu Bbuku lya Buumi ilya Mwanambebele kuzwa ku malengelo aa inyika.”

⁵³ Amu ciyeeye! Jesu ka tana sola kuzyalwa, myaka iili zyuulu zyone Ka tana sika aa nyika, a myaka iili zyuulu zisyoonto yebo kotana sika aa nyika; Jesu, mu muzeezo wa Leza, wakafwida zibi zya inyika, nkabela Bbuku lya Buumi lya pangwa, nkabela zina lyako lya kabikkwa mu Bbuku eelyo lya Buumi kuzwa kumalengelo aa inyika. Obo Mbwini bwa Bbaibbele. Mwabona, zina lyako lya kasalwa aa Leza a kubikkwa mu Bbuku lya Buumi kuzwa kumalengelo aa inyika.

⁵⁴ Wa kali mu bube Bwakwe. Yebo to ciyeeyi, peepe, nkaambo wakali cibeela biyo ca Buumi Bwakwe. Yebo uli cibeela ca Leza cindi noka zyalwa kuba mwana mulombe na musimbi wa Leza.

Mbuli biyo mboli cibeela ca uso wanyika! Mbo mbubo. Mboobo mbobede. I mweenze nguyumuna hemoglobini, i bulowa. Elyo cindi oyo wanjila mu—mu ijii, mpoonya waba cibeela ca bauso; nkabela banyoko ncibeela ca bauso, abalo; aboobo nyoonse muli cibeela ca bauso bako.

Bulemu! Eco cigusya kabungwe, kumaninina. Uh-huh. Cilacita masimpe! Leza, muli zyoonse, busena bulikke!

⁵⁵ Amubone lino bube Bwakwe. Mpoonya bube bwakali, kusaanguna, Leza; i muyeeyo, bube bulikke, boonse muli Omwe, kakutakwe kutondezegwa. Mpoonya cindi Na katondezegwa, munzila yaansi, Wa kaba Ijwi mpoonya. “Elyo mpoonya Ijwi lyakaba mu mubili wabuntu a kukkala aakati kesu.”

⁵⁶ Musalali Johane capita 1 a kampango 1, amubone, eci ngu, “Ku matalikilo.” Pele, kakutanaba, i Butamani! Amubone, “Ku matalikilo kwakali Ijwi.” Elyo ciindi ni cakatalika, lyakali Ijwi. Pele kalitanaba Ijwi, bwakali bube, i muyeeyo. Mpawo waka tondezegwa, “Ku matalikilo kwakali,” kutondezegwa, “i Ijwi.”

Lino tu sika oko Melikisedeki mpabede. Oyo ngo Muntu wamaseseke. “Ku matalikilo lyakali Ijwi, nkabela Ijwi lyakali antoomwe a Leza, elyo Ijwi wakali Leza.” “Elyo mpoonya Ijwi lyakaba mu mubili wabuntu a kukkala aakati kesu.” Amu jatilile eco awo lino, amubone.

⁵⁷ Bupange Bwakwe—Bwakwe butaanzi bwakali bwa Muuya, Leza, cigambyociinda, mbo mbubo, Uutamani mupati. Lwabibili, Wa katalika kuliumba Mwini kuya mu mubili wabuntu, mu *theofani*, ila tegwa “i Ijwi; i mubili.” Oyu mpoonya nce ciimo Mwa kabede cindi Na kaswaana Abraham, wakali kutegwa Melikisedeki. Wa kali mu ciimo ca theofani. Lino tula sika kuli eco a kucitondezya mu maminiti masyoonto, Mwami nawayanda. Wa kali Ijwi.

⁵⁸ I theofani ncintu cimwi nco takonzyi kubona. Cila konzya kuba mpoonya ano eno, kakuli to konzyi kucibona.

Cili biyo mbuli, ee, mbuli cipekupeku. Obo mbubambe bumbi. Cipekupeku; bantu baleenda moonse moonya mu kaanda aka lino, kwiimba; kuli mibala, akwalo. Pele liso lyeendelezegwa buyo ku magano ali osanwe. . . Buntu bwako boonse bweendelezegwa buyo ku magano ali osanwe, mubwini. Elyo weendelezegwa buyo kuli ceeco kukubona mpo kugolela kubona. Pele kuli bubambe bumbi obo bukonzya kubonwa kwiinda kukucincwa, ku cipekupeku.

⁵⁹ Lino, cipekupeku tacipangi cifwanikiso pe. I cipekupeku ciciinzya buyo mu mukondo wamagesi, elyo mpoonya gilazi lyakapila lyamitunga yamumuni ilya cipekupeku lilacibweza. Pele cifwanikiso nkocili awo, ku katalika. Cipekupeku cakaliko ano cindi Adamu nakali. Cipekupeku cakaliko ano cindi Eliya naka kkedede a Cilundu ca Karimereki. Cipekupeku cakaliko ano cindi Jesu waku Nazareta nakeenda aa nkomwe zya Galilaya. Pele muya bucibbutukizya lino. Balo niba taka cisyoma kaindi oko. Inga nokaba uusondokede mukwaamba cintucimwi mbuli ncico. Pele lino caba kasimpe.

Elyo mbo cibede, kuti Kristo mpali ano, Baangelo ba Leza mpobali ano. Elyo buzubabumwi, mu Mileniamu mpati yeelede kusika, ci yooba biyo kasimpe loko kwiinda cipekupeku na cintu cili coonse cimbi, nkaambo nkobali.

⁶⁰ Ula liyubununa Mwini mu ciimo Cakwe cipati ca ceeco Nca kataminina, mbuli Walo *en morphe* Mwini mu balanda Bakwe a kuli tondezya Mwini.

⁶¹ Lino, ngooyu Mbwa bedede mu ciimo ca Muuya. Elyo mpoonya Wa njila mu ciimo ca i . . . ca *en morphe*. Lino, Wa kabonekela

kuli Abraham, *en morphe*. Cindi Abraham nakali kubweeda kuzwa kukujaya bami, mpaawa kwa kasika Melikesedeki, kaambaula kuli Nguwe.

⁶² I buzuba bumwi mu mutende waku Tucson, Nda kali kubala caano cakuti awo kwakali i—i mwanakazi keenzya kuselemuka mugwagwa, Nda syoma kutandila mamaile aali makumi one, makumi osanwe mu oora, nkabela waa punka mudaala wakasamide bbakilyampeyo. Waa kakwiila a kwiimika mootokala wakwe. Ya kamuwaalila mujulu. Moonya mu nkanda yankwaalale iya lukula! Elyo waa kajoka kuti amujane, nkabela ta kaliko pe. Aboobo ino wakacita nzi? Bantu bamwi kusule lyakwe baka cibona kacicitika, bakabona mudaala kauluka mujulu, a bbakilyampeyo lyakwe kalivuuluka. Aboobo bakazuza kuyo bona. Teeba kakonzya kujana mwaalumi ali oonse. Ba kaita nkamu ya basilikali. I basilikali bakasika kuzo langalanga busena; kwakanyina muntu awo.

⁶³ Ee, umwi aumwi wabo wakapeda bumboni, “I mootokala weenda cakubbotoka bbota nsasi, kapunka mwaalumi. Wa kaulukila mujulu, nkabela bantu boonse bakacibona.” Bakamboni, myootokala yobile na yotatwe yakabwezedo bantu abalo, ba kacibona kacicitika. Kaboola kujana kuti, myaka yosanwe yainda, kwakali mudaala wakasamide bbakilyampeyo, kapunkwa a kujaigwa mpoonya abusena mbubonya.

Cindi wazwa awa, yebo tofwide. We elede kujokela, nekubakuti nduwe sizibi, a kubetekwa kweendelana ku micito yakacitwa mu mubili. “Ikuti na cilawo eci caansi camwaika, tuli jisi cimwi cilindila.” *En morphe*, eelyo ndi ijwi.

⁶⁴ Lino, Leza, mu cibeela eci ca . . . Mu cibeela eci ca bulenge Bwakwe, kumane kabumbwa mu mubili wabuntu, Jesu. Kuzwa kunzi? Kuzwa ku matalikilo mapati, Muuya, mpawo kaselukila aansi kuba Ijwi, kulitondezya Lini. I Ijwi talina libamba Lini, lyaambwa biyo, *en morphe*, kumane Waba mu mubili wabuntu, Jesu, uufwika, ku labila lufu nkambo ka ndiswe toonse basizibi.

⁶⁵ Cindi Abraham naka Mu swaana, Wa kali Melikesedeki. Ula vungulula awa boonse bube mbo buyoocita kumpela lya mamanino, mwana oonse wa Abraham. Mwana oonse wa Lusyomo uyo cita ncobeni cintu nciconya. Pele Ndi yanda kulangilila nzila nko tweelede kuba.

⁶⁶ Akwalo, tula Mu bona kayubununwa awa muli Rute a—a Boazi, mbuli Muvuni Sikamukowa, nzila Mbwa kasika ku mubili wabuntu.

⁶⁷ Lino tula bona bube, bana ba Muuya Wakwe, tabana njila mu mubili waciimo ca Ijwi. Pele, i theofani; mubili oyu ulendezegwa ku Ijwi a cizibyo cacisyomyo, kulindila cizibyo cacisyomyo, kucinca kwa mubili.

⁶⁸ Lino, lwandaano akati ka Nguwe a nduwe, mbuli mwana. Mwabona, Wa kali, ku matalikilo, i Ijwi, mubili wa *en morphe*.

Wa kanjila a kuponena omo, mu Muntu i ca Melikesedeki. Mpoonya, kumane, ta tumvwi limbi zya Melikesedeki, nkaambo Wa kaba Jesu Kristo. Melikesedeki wakali Mupaizi, pele Wa kaba Jesu Kristo. Lino, wa keenguluka eco. Nkaambo, mu ciimo eco, Wa kalizi zintu zyoonse, nkabela tona konzya kuziba eco.

Wa kaboola mbuli Adamu, mbuli ndime, wa kaba kuzwa ku bube kusika kunyama, kuzo sunkwa. Pele cindi buumi obu bwamana ano, “Ikuti na cilawo eci caansi camwaika, tuli jisi comwe kale cilindila.” Oko nko tuunka; eelyo ndi Ijwi. Mpawo inga twa cebuka a kubona nce twa kacita. Lino tatu cimvwisyi. Ta tunaba Ijwi; twa kaba biyo bantu banyama, kutali Ijwi.

⁶⁹ Pele, a kulanga, cantangalala cicibamba kuboneka kabotu, to kabi Ijwi citakuti wakali muyeeyo ku matalikilo. Eco citondezya lukanzo kwa Leza. Mwabona? Yebo tokonzyi kuba Ijwi citakuti uli muyeeyo. Wa kacita kuba mu kuyeeya, lutaanzi.

Pele, nywebo mwabona, kutegwa kukulikwe sunko, wa keenguluka theofani. Wa kacita kuselukila ansi munyama, kuti usunkwe ku cibi. Elyo mpawo, ikuti na wa kulika, “Boonse Taata mba Ndi pa bayo boola kuli Ndime, nkabela Ndiyo ba busya ku mazuba aku mamanino.” Mwabona, waka cita kuba lutaanzi.

⁷⁰ Elyo mpawo, nywebo mwabona, Wa kaselukila ansi ncobeni, nzila yalyonse, kuzwaku bube kusikaku. . . Kuzwa ku malengelo aa inyika, zina lyakwe libikkidwe mu Bbuku lya Buumi ilya Mwanambebele. Mpawo, kuzwa kuli eco, Wa kaba Ijwi, i theofani, wakali kukonzya kuboneka, kuzimaana. Elyo mpawo Wa kaba mu mubili wabantu a kubweeda alubo, wakabusya mubili nguonya mu ciimo cabulemu.

Pele wa keenguluka theofani a kuba muntu wanyama, kuzo sunkwa ku cibi. Elyo mpawo, “Ikuti na cilawo eci caansi camwaika, tuli jisi comwe kale cilindila.” Ta tunaba a mibili.

⁷¹ Pele, amulange! Cindi mubili oyu watambula Muuya wa Leza, Buumi butafwiki mukati ka nduwe, bubikka mubili oyu mu kweendelezegwa kwa Leza. Aleluya! “Oyu uuzyedwe kwa Leza taciti cibi; ta konzyi kucita cibi.” Roma 8:1, “Aboobo taakwe lino luzulo kuli babo bali muli Kristo Jesu; ba teendi canyama, pele ca Muuya.” Mboobo we mbobede. Mwabona, eco cibamba mubili wako kweendelezegwa.

Yebo toelede kwaamba, “Oh, ikuti Nda konzya biyo kuleka kunywa! Ikuti na Nda konzya biyo. . .” Konjila biyo muli Kristo, nkabela koonse kulamana, mwabona, mwabona, nkaambo mubili wako weendelezegwa ku Muuya. Tatu ceendelezegwi limbi ku zintu zya inyika; zili fwide. Zili fwide; zibi zyako zyakazikkwa mu lubapatizyo, nkabela uli cilenge cipya muli Kristo. Elyo mubili wako, uli mukuba kubweendelezi bwa Muuya, kusola kupona musyobo uululeme wa buumi.

⁷² Mbuli ndinywe no banakazi balitaminina kuba bajisi Muuya Uusalala, a kuunka ku masena kuno a kusama tubbudula

a zintu, mbobuti bonga wacicita? Mbobuti Muuya wa Leza mboukonzya kuba muli ndinywe aku mulekela kucita cintu eco mbuli ceeco? Ta ukonzyi buyo kuba boobo. Cilimasimpe, ta ukonzyi kuba. Ta uli muuya usofweede; Walo Muuya uusalala.

⁷³ Elyo mpawo cindi waba kubweendelezi bwa Muuya oyo, ubamba buntu bwako boonse kuba kubweendelezi ku Muuya oyo. Elyo Muuya oyo tauli cintu mu inyika pele Ijwi lya Mbuto eyi lyayubununwa, na kupononesegwa, aleluya, kubambwa muumi. Elyo cindi Bbaibbele nilyakati, “Uta citi *eci*,” oyo mubili unyonena kuli Ndilyo cakufwambaana. Kwiina mubuzyo.

Elyo ino ncinzi? Ncizibyo cacisyomyo ca bubuke. Oyu mubili uyobusigwa alubo, nkaambo utalikide kale. Wa kali kubweendelezi limwi ku cibi, a buyumuyumu a bubi, pele eno ujisi cizibyo cacisyomyo; kasanduka kuba Wakujulu. Lino, eco nce cizibyo cakuti uunka mu Kukwempwa. Calo ncizibyo cacisyomyo.

⁷⁴ I muntu ucisidwe kalede, kafwa, taakwe cisyeede pele lufu; nku koonse kukonzya kucitika. Nda kabona zimvule zya bantu, zya kaligwa do ku kkulenge a kakweekwe; a ku babona bantu, ku kaindi kaniini kwainda eco, bali kabotu a kuyuma cakulondoka. Ikuti na taakwe kuponesegwa kwa Buleza, nkokuti kwiina bubuke, nkaambo kuponesegwa kwa Buleza ncizibyo cacisyomyo ica bubuke. Amen!

⁷⁵ Nywebo mulizi mali a cizibyo cacisyomyo kuti niinzi, tamuzi na? Nku bbadela kutaanzi kwa cikwelete. “Wa kayaswa nkambo ka milandu yesu; ku mibunda Yakwe tula ponesegwa.” Amubone nzila mbocili cibotuloko! Tula Mu yanda.

⁷⁶ Lino, oyu mubili uleendelezegwa ku Muuya. Tauna njila mu ciimo ca Ijwi, pele tucili mu ciimo canyama, pele kweendelezegwa ku Ijwi. Lufu lucili mu nyama luyo tutola kokuya.

⁷⁷ Cintu buyo nciconya, amuyeeeye muvwanda muniini. Inga wabweza mwanakazi, takukwe makani mbwali mubi, cindi aba ada akulibambila kuba mutumbu. Amulangilile, muvwanda katana zyalwa, Ta ndikwe makani obo mwanakazi mbwali silunya, ulaba sibuyya loko. Kuli cintucimwi kujatikizya nguwe cimvwika. . . boneka kuba cabuleza, kubona mutumbu muniini kalibambila kuba mutumbu, kwiinda ku muvwanda. Nkaambonzi cili obo? Oyo mubili muniini, lino, ta unaba muumi, mwabona, cintu buyo ncakuti ucili nyama biyo a milambi. Oko kusotauka kuniini, eyo milambi biyo igwintagwinta. Pele cindi azyalwa kuzwa mwida, Leza uyoyela kuyoya kwa buumi muli nguwo, elyo mpawo ula kwiila. Mwabona, mbuli biyo—mbuli masimpe mbokuli mubili waansi ku bumbwa, kuli mubili wa kumuuya wakuu tambula mbo usikila biyo kuno.

⁷⁸ Mpawo, cindi muntu azyalululwa, kuzwa ku Julu, ulaba muvwanda waku muuya muli Kristo.

Elyo, mpawo, cindi cikobela eci cakunyama calosegwa, kuli mubili waansi, theofani, mubili uta bambidwe a maanza, nanka kuzyalwa ku mwanakazi, oko nko tuya.

Mpawo mubili oyo ula bweeda a kubweza mubili wakaba abulemu.

Ako nkekaambo Jesu wakaunka ku gehena cindi Na kafwa, a kukambaukila myuuya eyo yakali mu ntolongo; kasanduka kuya mu theofani eyi. Oh, ncibotuloko! Alumbwe Leza!

⁷⁹ Bakorinto Babili 5:1, “Ikuti na mubili oyu waansi wamwaika, eci cilawo caansi, tu jisi umwi umbi.” Mwabona, twa keeguluka eco, kuboola kugama kuzwa kuli Leza, i bube; kuba nyama, kuti tusunkwe a kusolekwa ku cibi, mbuli Adamu mbwakacita. Pele cindi kusolekwa kwa Ijwi Lyakwe kwamana, mpawo tula kwempwa kuya ku mubili oyu waka bambilwa ndiswe kuzwa ku malengelo aa nyika. Ndi Ijwi kuya ndo twa kataaluka, kuzunguluka nkoonya, ansi awa kuzo sunkwa a kusolekwa. Ikuti ni twa kaboola kwiinda omo, nikwa kataba sunko; inga notuzi zintu zyoonse. Ako nkekaambo Jesu nca kazi zintu zyoonse, nkaambo Wa kali Ijwi kata Na kuba mu mubili wanyama. Mpawo twaba Ijwi.

⁸⁰ Mpaawa twa bumbwa ku cinkozya ca Ijwi, kuba basicaabulo ba Ijwi, kulya Ijwi, kwiinda ku lukanzo kuzwa ku matalikilo; mula bona nsasi niini ya Buumi eyo njomwa kajisi kuzwa ku matalikilo, cindi nomwa talika lweendo lwanu. Bunji bwanu inga mwaciyeyya. Mwaka sangana mbungano *eyi* a kusangana mbungano *eyo*, mwaka sola *eci* a *eco*; taakwe cakakutya. Mbo mbubo. Pele buzuba bumwi wakali Li ziba biyo. Mbubo.

⁸¹ I busiku bumwi Nda kali kuyiisya kubusena bumwi, Ndi yeeya kuti kwakali mu California na Arizona, kujatikizya. . . Nda syoma Nda ka mwaambila kaano kaniini kuno, kujatikizya muntunsi kabikka nkuku nseke nkabela wakakumbya ijii lya sikwaze kuli njiyo. Elyo cindi sikwaze oyo naka konkolwa, wakali muyumi wakaboneka kugambya loko oyo nkuku ngo zyakasola kubona. Pele, wa keenda koonse. Wa kali i—wa kali umwi ugalankene aakati kazyo, nkambo takali kukonzya biya kumvwisya nzila nkukunseke mboiyo lila a kuyanga aa cilwi ca buloko a kulya. Ta kakonzya kujana muzeezo. Waa kali kunga wati, “Kozabuza kuno a kulya, oyandwa!” Pele, wa kali sikwaze; takali kulya buyo mbuli obo. Tee cakali cakulya cakwe.

⁸² Aboobo waa kali kunga wajata cisozi a zimwi zimbi, nywebo mulizi, a kwiita tukuku. Elyo toonse tukuku twakali kunga twaunka antoomwe, kulila antoomwe, a kulya. Pele sikwaze muniini takali kukonzya biya kucicita. Tii caka—caka langika kabotu kuli nguwe.

Aboobo buzuba bumwi banyina bakasika kumuyandaula.

⁸³ Elyo wakali kunga wamvwa kulila oko kwa nkukunseke. Wa kali kunga wasola mbwakonzya kuyandika kulila, pele taka

konzya kucicita. Wa kasola kukekela mbuli nkuku, pele taka konzya kucicita. Mwabona, wa kali sikwaze. Walo, ku kutalika, wa kali sikwaze. Wa konkonwa biyo kungsi lya nkukunseke.

Eco cili mbuli basimbungano bamwi. Boonse...Ayo nge makani a nzila mbocibede; makani a umwi uutabambidwe boobo, mbo mbubo.

⁸⁴ Pele buzuba bumwi banyina bauluka atala, nkabela baka kwiila. Wa kaciziba. Eco caka limvwisya bweelede. Nkaambonzi? Wa kali sikwaze, ku kutalika.

Eyo nje nzila a Makani mabotu, na Ijwi, na Nguzu zya Jesu Kristo. Cindi muntu nawa kakanzwa ku Buumi Butamani, ulamvwa bulile bwa kasimpe, kukwiila kwa Leza, taakwe cintu cinga camu tantamuna kuli Mbubo.

I mbungano inga yaamba, “Mazuba aa maleele akainda,” kkwekwe, kkwekwe, kkwekwe. “Koima awa a kulya *eci*, alimwi koima awa akulya *eco*.”

⁸⁵ Ezyo zintu zya muunda taziko mugwasya, limbi. Uli unkide! “Zintu zyoonse zilakonzeka!” Ula uluka kuzwa aansii.

Ako nkekambo, penzi a Banakristo banji loko sunu, taba konzyi kuulusya mauulu abo kuzwa aansii.

I banyina mucembele wakati, “Mulombe, sotoka! Uli sikwaze. Kotanta awa Mpe bede.”

Wa kati, “Baama, Nsena sotokede, mu buumi bwangu.”

⁸⁶ Waa kali, “Ee, ko sotoka! Uli sikwaze, ku kutalika. Toli nkuku pe.” Aboobo wa kabamba kusotoka kwakwe kutaanzi a kubabamika mababa akwe; tii caka gwasya maningi, pele wakauluka kuzwa ansii.

Eyo nje nzila mbo tucita. Tu tambula Leza ku lusyomo, ku Ijwi lyakalembwa. Kuli cintucimwi mukati muya; bwalo Mbuumi Butamani. Wa kakanzwa kuli mbubo.

⁸⁷ Ba syanyinakulu a banyinakulu bakali basikwaze. Wa kali sikwaze, muciiindi coonse kaindi. Sikwaze tasangani a zintu zimbi. Ta katintanisigwa; peepe. Ngu sikwaze.

⁸⁸ Mpoonya, nokamana kuziba Ijwi ndyoonya ilya Leza kuti lyakali Cilyo ca Sikwaze, mpoonya wakasiya zintu zimwi. Wa kabumbwa mpawo kuba cinkozya cuumi ca Leza muumi. Wa kamvwa kuzwa ku theofani yako. “Ikuti na mubili oyu waansi wamwaika, tuli jisi omwe uulindila.”

Yebo wati, “Sa mbo mbubo, Mukwesu Branham?”

Ncibotu, atu bweze basikwaze basyoonto bakubwene a kubalanga kwa maminiti masyoonto. Kwakali zina, muntunsi wakauzikidwe kuti Musa. Bantu boonse balizi kuti musinsimi wiitwa kuti sikwaze, mu Bbaibbele.

⁸⁹ Kwakali musinsimi wakaulikidwe kuti Musa. Elyo buzuba bumwi Leza wakamwiita, elyo taka muzumizya kulanduka

ku nyika, elyo wa—wa kafwida aa Mwaala. I Baangelo baka mukwempa a kuyo muzikka.

Kwakali muntunsi umbi, sikwaze, ta keelede akwalo kufwa. Wa keenda buyo kulanduka Jordano, elyo Leza wakaselusya nkalaki ansi; elyo cikobela eci canyika cakaloka, a kubuka a kajata cilumbo citeeli.

Kumane myaka ili myaanda ya lusele, kumane myaka iili myaanda ya lusele, aa Cilundu Cakusanduka, mpaawa wakaliimvwi baalumi abo bobile. Mubili wa Musa wakali bolede kwa myaanda ya myaka, pele mpaawa wa kaliimvwi mu ciimo cili obu mane akwalo Petro, Jakobo, a Johane baka muziba. Amen! “Ikuti na cilawo eci caansi camwaika,” ikuti na uli bube bwa Leza bwaka tondezegwa awa aa nyika, “uli jisi mubili ukulindila wamana kusiya inyika eyi.” Mbaabo mbo bakabede, kabaimvwi aa Cilundu Cakusanduka, mu theofani yabo. Nkambo, bakali basinsimi kuli mbabo Ijwi nkolya kasika.

⁹⁰ Akwalo atubone musinsimi uumbi, ciindi cimwi, wa zina lya Samueli. Wa kali muntunsi mulemu. Wa kayiisya Israyeli; kabaambila kuti tabeelede kuba a mwaami. Wa kati, “Sena Nda kasola kwaamba cintu comwe kuli ndinywe mu Zina lya Mwami cita eco caka citika?”

Ba kati, “Peepe. Zintuzyoonse nzo kaamba lyoonse mu Zina lya Mwami zyaka citika.”

Wa kali musinsimi, nkabela wa kafwa.

⁹¹ Kumane myaka iitandila kuli yotatwe na yone, mwaami wakanjila mu penzi; eelyo Bulowa bwa Jesu Kristo kabutana sola kutilwa. Wa kali mu paradaiso. Elyo musondi waku Endori wakaitila muntuumwi kuboola, a kuumbulizya Saulo. Elyo cindi musondi naka mubona kaimvwi, waa kati, “Nda bona muzimu kauzwa mu nyika.”

⁹² Elyo kumane muntunsi nakafwide, kazikkwa, a kubola mu cuumbwe, mpaawa wa kaliimvwi awo mu cuumbwe eco, kasamide zikobela zyakwe zya businsimi; nkabela wakacili musinsimi, ameni, nkambo wa kati, “Nkaambonzi wandiita kuzwa ku kupumuna kwangu, mukubona kuti waba sinkondo kuli Leza?” Amu mubone kasinsima. “Juunza masiku, kusika ku ciindi eci, unooli a ndime.” Wa kacili musinsimi, nekubakuti wakali zwide mu mubili oyo.

Mwabona, wa kaba kuno alimwi cibeela ca Ijwi eelyo, alimwi wa kanjila kuzwa ku buumi bwanyika kujokela mu mubili oyo ngwa kabambilidwe kuzwa kumalengelo aa inyika. Wa kanjila mu theofani, eelyo yakali Ijwi. Mwa cimvwa? Oko basyomi boonse nko baunka cindi twa nyona kuzwa awa.

⁹³ Mpoonya, mu ciimo eco, cisitilizyo mpoonya cilavumbulwa. Nywebo mwabona, nywebo muli Ijwi, anywebo, cindi mwanjila

muya. Mbuli muvwanda muniini; mbuli mbo Nda amba kaindi kainda. . .

⁹⁴ Lino amubone. Alumbwe Leza Zinamatizyo ezi zijuka, ni nkombo yangu, ku ziba zintu ezi!

⁹⁵ Lino ciyubunuzyo cini ca Melikesedeki caboola mu kuboneka. Inzi? Wa kali Leza, i Ijwi, Ka tana kuba mu nyama; Leza, i Ijwi. Nkaambo, Wa keelede kuba; taakwe muntu umbi wakali kukonzya kuba uatafwiki mbuli Nguwe. Mwabona, Nda kajisi bataata a baama; wakali jisi, ayebo. Jesu wakali jisi bawisi a banyina. “Pele Muntunsi oyu taaka jisi wisi, na taaka jisi banyina.” Jesu wakali jisi ciindi Na katalika; Muntunsi oyu takajisi. Jesu wakapa buumi Bwakwe; Muntunsi oyu takakonzya, nkaambo Wa kali Buumi. Elyo ngo Muntunsi nguwenya wini ciindi coonse. Nda syoma Leza aciyubunune kuli ndinywe. I Muntu nguwenya wini, ciindi conwe.

⁹⁶ Amubone bubande Bwakwe, “Mwaami wa bululami.” Lino, Hebrayo 7:2, “Mwaami wa bululami, a Mwaami wa lumumono.” Wa kali bami bobile. Lino amulangilile, Hebrayo 7:2, “Mwaami wa bululami, akwalo Mwaami wa lumumono.” Ngu bami bobile kuya. Lino mbokunga Wa kaboola mu mubili wabantu a kutambula mubili Wakwe kujulu, mu Ciyubunuzyo 21:16, Ula tegwa, “I Mwaami wa bami.” Ngu botatwe boonse babo, antoomwe. Mwabona, Mwaami Leza, Mwaami Theofani, Mwaami Jesu. “Ngu Mwaami wa bami.”

Koonse kwazulizigwa, mbuli biyo buntu, mubili, a muuya, zyoonse ziboola kupanga comwe.

⁹⁷ Akwalo, Ngu Taata, uli ngowakali mutaanzi; Mwana; a Muuya Uusalala, i Muuya.

“Mwaami wa bululami,” bube bwa Muuya; theofani, “Mwaami wa—wa lumumono,” theofani; alimwi mu mubili wabantu Wa kali “Mwaami wa bami,” Muntu nguwenya.

⁹⁸ Cindi theofani, Musa naka Mu bona, Kulonga 33:2, Wa kali theofani. Musa wakali kuyanda kubona Leza. Wa kamwa jwi Lyakwe, ka Mu mvwa kaambaula kuli nguwe, ka Mu bona mu citeo kuya, mbuli Musumpululu wa Mulilo mupati. Elyo wa kati, “Ino Nduweni? Ndi yanda Ku kuziba na Nduweni.” Musa wakaamba. “Ndiyo bikka. . .” “Ikuti na Wa ndilekela Ku kubona, Ndi yanda kubona busyu Bwako.”

⁹⁹ Wa kati, “Taakwe muntu uunga wabona busyu Bwangu.” Wa kati, “Ndiyo bikka janza Lyangu ku meso aako, nkabela Ndiyo indilila. Elyo inga wabona sule Lyangu, pele kutali busyu Bwangu.” Mwabona? Elyo cindi Na kacita, lyakali sule lya Muntunsi; yakali theofani. Mpoonya Ijwi lya kasika kuli Musa, “NDIME,” oyo wakali Ijwi. I Ijwi lya kasika kuli Musa mu ciimo ca Musumpululu wa Mulilo mu citeo ciyaka, i “NDIME.”

¹⁰⁰ Mbuli Ijwi kuzwa kulwiiyo lwabukombi...kuzwa ku theofani, mubwini. Mundi jatile. Wa kasika kuli Abraham kali Muntunsi, kungsi aa musamu wa mubanga. Lino amulange oko. Ngooyo waka boola Muntunsi kuli Abraham, botatwe babo, nkabela baka kkala kungsi a musamu wa mubanga, botatwe babo. Elyo amubone, na Ka mana kwaambaula kuli Abraham. . .

¹⁰¹ Nkaambonzi Wa kaboola? Abraham, mukuba umwi wakajisi cisyomesyo a mulumbe wa kuboola kwa mwana, alimwi akwalo wakali musinsimi wa Ijwi lya Leza oyo wakali kusyoma Ijwi lya Leza, kaita cintu cili coonse kwiimpana mbuli kuti tii cakali obo. Mwabona nzila Ijwi mboli londokede? I Ijwi lya kasika ku musinsimi. Mwabona, ngooyo Leza wakali mu theofani. Elyo Bbaibbele lyakati, "I Ijwi lisika ku musinsimi." Elyo ndeelyo i—i Ijwi mu theofani.

Lino yebo wati, "Sa oyo wakali Leza?"

¹⁰² Abraham wakati mbwa kabede. Wa kati zina Lyakwe, wakali, wa ka Mwiita kuti Elohimu. Lino mu Matalikilo 1, ula jana, "Ku matalikilo *Elohimu* wakalenga majulu a nyika." Mu Matalikilo 18, tu jana kuti—kuti Abraham wakaita Muntu oyu. . .oyo waka kkede awo a kwaambaula kuli nguwe, nkabela wakali kukonzya kumwaambila maseseke a moyo wakwe, kumwaambila eco Sara ncakali kuyeeya kunze Lyakwe. Abraham wakati, "Ngu Elohimu." Wa kali mu ciimo ca theofani. Mwa cimvwa? Amubone kumane. . .

¹⁰³ Lino tu jana kuti Wa kali ku ciimo ca theofani kaindi. Wa ka Mwiita kuti, "Mwami Leza, Elohimu." Lino, mu Matalikilo 18, tu jana kuti eco cili bwini.

¹⁰⁴ Lino amubone Abraham. Kwakali botatwe babo antoomwe, pele cindi Abraham nakaswaana botatwe, wa kati, "Mwami Wangu."

Pele cindi Lota, ku musanza mu Sodoma; bobile babo bakaselemukila ku musanza kuya, nkabela Lota wakabona bobile babo kaba boola, nkabela wa kati, "Bami bangu." Mwabona, ino lyakali penzi nzi? I busena butaanzi, Lota taakali musinsimi, mbo mbubo, na akwalo taakali mutumwa wa oora, aboobo taka jisi ciyubunuzyo cili coonse ca Nguwe. Cili luleme ncobeni. Lota waakonzya ku baita kuti "bami." I banji balo, wakacili kukonzya kwaamba, "bami."

Pele takukwe makani mbobakali banji Abraham mbakabona, Wa kacili Mwami omwe. Ngooyo Leza. Oyo wakali Melikesedeki.

¹⁰⁵ Amubone, niya kamana nkondo, Melikesedeki wakabambila mwana Wakwe wakazunda mulalilo; amu ciyeeye, cibeela Cakwe! Lino tu yanda kubona awa. Mu cikozyano nceeci, mu kuboneka, i mulalilo. Kumane nkondo, Wa kalipa Mwini, nkaambo mulalilo ncibeela ca Kristo. Elyo kwamana kulwanisya

canguzu, yebo wamana kulinabnya, mpawo nce cindi noba a caabilo ca Kristo, waba cibeela ca Buntu obu. Mwa cimvwa?

¹⁰⁶ Jakobo wakasinana masiku oonse, nkabela taka Mu lekezya pe kusikila Wa kamulongezya. Mbo mbubo. Kalwanina Buumi! Elyo nkondo yamana, mpawo Leza ulakupa Lwakwe. Oyo ngo mulalilo Wakwe wakasimpe. I cinkwa ciniini a mukamu uutakwe bumena zila Wi iminina buyo. To elede kuulya citakuti waka ulwanina a kuba cibeela ca Leza.

¹⁰⁷ Amuyeeye, ku ciindi eci, mulalilo tewakalina kusimpikwa, tewakaba kakutanaba lufu lwa Jesu Kristo, kumane myaanda a myaanda a myaanda ya myaka.

¹⁰⁸ Pele Melikesedeki, kumane mwana Wakwe Abraham kalijanina luzundo, Melikesedeki waka muswaana a kumupa waini a cinkwa; kutondezya kuti kwaakumana nkondo eyi yanyika, tuyo Mu swaana mu majulu a kulya mulalilo alubo. Ci yooba Cilalilo ca Mucado. “Nse kanywi limbi musaansa, na kulya mucelo, kusikila Ndi kaulye a kuunywa a ndinywe, cabupya, mu Bwami bwa Taata Wangu.” Sa mbo mbubo?

¹⁰⁹ Amubone alubo, Melikesedeki wakaunka kuyo swaana Abraham katana joka ku muunzi. Ino ncikozyano ceebelezya awa nco tu jisi! Melikesedeki kaswaana Abraham katana joka ku muunzi, kumane nkondo.

Tuyo swaana Jesu mu mulengalenga, katutana kusika ku Muunzi. Mbo mbubo. Babili Batesalonika lila twaambila obo, nkambo, “tuyo Mu swaana mu mulengalenga.” I cikozyano ceebelezya ca Rabeka kaswaana Izaka, mu muunda, ku lundindiwana lwa buzuba. “Tuyo Mu swaana mu mulengalenga.” Babili Batesalonika lyaamba obo. “Nkambo swebo to baumi a basyaalizi tatuka sinkili na kulesya abo boona; nkambo mweembo wa Leza uyo lila; bafu muli Kristo bayo buka lutaanzi; swebo baumi a basyaalizi tuyo kwempwa antoomwe a mbabo, kuyo swaana Mwami mu mulengalenga.” Kulondoka, zikozyano zyoonse ezi.

¹¹⁰ Aboobo, i theofani, ikuti na wafwa a kunjila mu theofani eyo, (ncinzi cicitika?) theofani iboola ku nyika kubweza mubili waka nununwa. Elyo ikuti na uli awa mu mulengalenga, uyo bweza mubili kuyo swaana theofani, mboobo we, “a kukwempwa, a kwiinka kuyo swaana Mwami mu mulengalenga.”

¹¹¹ Nguni oyu Melikesedeki cita Leza!

¹¹² Lino tula bona awa cantangalala maseseke amaninide a buumi bwesu mu lweendo, a lufu, a kooko nko tuya twamana kufwa. Akwalo, lukanzo luli mu kuboneka kwantangalala awa. Lino amuswilile mbuli mbo tuyiisya eci, cakupakamana.

¹¹³ I ntaamo zya—zya bukanze Butamani Mbwa kajisi mu maseseke Aakwe ono ayubununwa. Amubone, kucili ntaamo zyoatatwe ku bulondosi. Mbuli biyo Mbwa nununa inyika; nzila

njoonya Nja nununa Mbungano Yakwe. Ula nununa bantu mu ntaamo zyaratwe. Lino amulange. Kusaanguna nkululamikwa, mbuli Luther mbwakakambauka; lwabili, kusalazigwa, mbuli Wesley mbwakakambauka; yatatu, lubapatizyo lwa Muuya Uusalala. Mbo mbubo. Mpoonya kwasika Kukwempwa!

114 Lino, inyika, mbubuti Mbwa kanununa inyika? I kusaanguna, Mbwa kacita, cindi niya kabisiya, Wa kaisanzya mu lubapatizyo lwa maanzi. Mbo mbubo. Mpoonya Wa losya Bulowa Bwakwe aali njiyo, kuzwa ku ciingano, a kwiisanzya a kuyiita kuti nji Yakwe Mwini. Elyo mpawo ncinzi Nca cita? Mbuli Mbwa kamwaya inyika yoonse kuzwa kuli nduwe, a kubambulula cintu conse kwiinda ku lubapatizyo lukali lwa Muuya Uusalala, akwalo Uyo bambulula inyika. Elyo iyoompya kumana ku Mulilo, a kusalazya tuzunda toonse, kwa mamilioni a mamaile kuya mujulu, zintu zyoonse ziyo salazigwa kuzwa. Elyo mpawo ndeelyo Julu Lipya a Nyika Mpya, mbubonya biyo waba cilenge cipya muli Kristo Jesu cindi Muuya Uusalala waku jata. Mwabona, mboobo mbobede, cintu coonse cili buyo antangalala mbuli mbo cikonzya. Zintu zyoonse mu butatu.

115 I kuzyalwa kwakunyama kuli mu butatu. Ino cintunzi cisaanguna kucitika ku mwanakazi uutumbuka muvwanda? Ino ncinzi cipasuka kusaanguna? Maanzi. Ino ncinzi citobela kupasuka? Bulowa. Ino ni ntaamo nzi itobela? Buumi. Maanzi, bulowa, muuya.

Ino ncinzi cicitika ku cisyango? Cilabola. Ino ncintu nzi citaanguna? Cikuba. Ino ncinzi citobela? Ingala. Ino ncinzi citobela? Cikwa. Mpawo nseke yazwa kuli eco. Biyo ntaamo zyaratwe zyaco, mane casika ku nseke. Mbombubo incobeni.

116 Leza ulasimpikizya eco. Eco lyoonse cakali luleme. Leza ulacisimpikizya kuba kasimpe. Tondezya antangalala, i wakakanzwa ngo nguwe buyo uulanganisigwa mu lununuko. Sena mwacimvwa? Andi caambe eco alubo. I wakakanzwa ngu nguwe buyo oyo ulanganisigwa mu lununuko. Bantu inga kaba nobamba mbuli, kabayeeya kuti mbobabede, pele lununuko lwini ndya baabo bakakanzwa. Nkaambo, bbala ndyoonya *kunununa* caamba “ku josya.” Sa mbo mbubo? I *kunununa* ncintu cimwi... I *kunununa* fumbwa cintu, nku, “kuci josya kubusena bwaco butaanzi.” Aleluya! Aboobo mbaabo bakakanzwa luzutu bayo josegwa, nkaambo bamwi teeba bakazwa Kuya. Mwabona, “ku josya!”

117 Mukuba Batamani a Nguwe, ku kutalika... I Buumi Butamani obo mbo kajisi, muyeeyo Wakwe obo mbo kabede, buyo, Mbwa kali kukuyanda ku... Wa kali kundiyandila kwiima mu cikambaukilo, kwaamba. Wa kali kukuyandila kukkala mu cuuno sunu masiku. Mpawo tu belekela bukanze Bwakwe Butamani. Elyo umwi oyo wakasiya muunzi, kaboola buyo ku nyika kuzo belekela bukanze Bwakwe. Mbo mbubo na? Ncibotu.

Mpoonya, cazwaa kumana, cila josegwa mu ciimo cabulemu; ca sima a ku josegwa alubo.

¹¹⁸ Ta cigambyi Paulo waakonzya kwaamba, cindi nibakali kumuyakila cijailo ca kukosweda mutwe wakwe; wa kati, “O lufu, luli kuli lumoola lwako? O cuumbwe, kulaali kuzunda kwako? Pele kulumbwe kuli Leza Oyo uutupa kuzunda!” Wa kati, “Lufu, ndaambile awo mpo konzya kundicitya koongolola! Cuumbwe, ndaambile nzila mboya kundijata! Nkambo, Ndime sikuvuba wa Buumi Butamani.” Ameni! Wa kaciziba. Lufu, gehena, cuumbwe, taakwe cintu cakali kukonzya kumujatilila. Nkabela taakwe cintu cikonzya kutucisa, jisi Buumi Butamani! Wa kamvwisya kuti wakali lelekedwe a Buumi Butamani.

¹¹⁹ Mbuli biyo dosi lyamume liniini. Ikuti na Nda mvwisya, lili . . . Ta ndizyi kunji kujatikizya kkemesitri. Pele, lyeelede kuti li i—i kuyumayuma kwa mudumo na luwo. Elyo cindi masiku atontola a kusiya, ulawa kuzwa ku majulu a kulokela aansii. Ulawu kuzwa kubusena bumwi. Pele cifumo citobela zuba kalitana kuzwa, uli lede awo, cintu ciniini, kacibimba. Pele lekela biyo zuba kuzwa, ulangisisye watalika kubalama. Ula kkomana. Nkaambonzi? I zuba liyo wiita ncobeni kujoka oko nko wakazwida.

Elyo nje nzila ku Munakristo. Aleluya! Tu lizyi cindi tweenda kunjila mu Busyu bwa Leza, cintucimwi muli ndiswe cila twaambila kuti tuzwa ku busena bumwi, nkabela tu jokela lubo kwiinda ku Nguzu ezyo zili mukutukwela.

¹²⁰ I dosi lyamume liniini, lila bekema a kumweka a koongolola, nkaambo lilizyi lizwa kujulu kuya, nkabela zuba eelyo liyo ukwela ncobeni kujoka alubo.

Elyo muntu uuli mbube bwa Leza, kazyalwa kwa Leza, ulizyi, aleluya, cindi ayaana a Mwana wa Leza, uyo kwelwa kuzwa kuno buzuba bumwi. “Nkambo na Nda sumpulwa kuzwa ku nyika, Ndiyo kwela bantu boonse kuli Ndime.” Ameni!

¹²¹ Lino amubone, lino, twa bona Melikesedeki a kaambo kakuti Mariya ncatakali banyina Bakwe. Ako nkekaambo Nca ka mwiitila kuti “mwanakazi,” kutali *baama*. “Ta kajisi taata,” nkambo Wa kali Taata, Taata uteeli, butatu muli Omwe. “Ta kajisi banyina,” kutakwe ncobeni. Ta kajisi taata, nkambo Wa kali Taata. Mbuli sikuyabila mbwakaamba ciindi cimwi, kakanana kulumbaizya kupati kuli Jesu, wa kati:

NDIME oyo wakaambaula kuli Musa mu citeo
ciyaka mulilo,
NDIME Leza wa Abraham, Ntanda Imweka
aya ku Bucedo.
NDIME Alufa, Omega, matalikilo kuzwa ku
mamanino.

NDIME bulenge boonse, nkabela Jesu ndi
Zina. (Mbo mbubo.)

Oh, mwaamba kuti Ndime ni, alimwi nkokuli
nko baamba kuti Nkwe kazwa,
Sena muli muzi Taata Wangu, na sa inga
mwaamba Zina Lyakwe? (Aleluya!)

¹²² Eelyo nde Zina lya Taata! Inzya, “Nda boola mu Zina lya Taata Wangu, nkabela tamu Ndi tambulide.” Mwabona? Masimpe, Ngu mbobuca nguwenya, sunu, amuya myaaka.

¹²³ Elyo oyu Melikisedeki wakaba mu mubili wabuntu. Wa kaliyubununa Mwini mbuli Mwana wa muntu cindi Na kasika, mbuli Musinsimi. Wa kasika mu mazina otatwe aa Mwana; Mwana wa muntu, Mwana wa Leza, Mwana wa Davida.

¹²⁴ Cindi Na kali ano aansi, Wa kali Muntunsi, kuzulizya Malembe. Musa wakati, “I Mwami Leza wanu uyo busya Musinsimi uuli mbuli ndime.” Aboobo Wa cita kusika mbuli Musinsimi. Ta ka, kwiina nakati, “Ndili Mwana wa Leza.” Wa kati, “Ndili Mwana wa muntu. Sena mula syoma Mwana wa muntu?” Nkaambo, ncencico Nca keelede kulungulula, nkaambo obo Mbwa kabede.

Lino Wa boola mu Zina limbi lya mwana, Mwana wa Leza; uutabonwi, i Muuya.

Elyo cindi A asika alubo, Ngu Mwana wa Davida, weelede kukkala aa cuuno Cakwe cabwami.

¹²⁵ Lino cindi Na kali ano alimwi wakaba mu mubili wabuntu, Wa kaitwa kuti, “Mwana wa muntu.” Lino, mbobuti Mbwa kaliyubununa Mwini ku inyika mbuli Mwana wa muntu, i Musinsimi?

¹²⁶ Buzuba bumwi Nda kali kwaamba kaano ka Petro a Andreyo, munyina wakwe. Bakali bazeli, alimwi wisi wabo Jonasi wakali musyomi mulemu wakale. Buzuba bumwi bakati wa kakkala ku moombe wa bwaato. Wa kati, “Balombe, mulizi obo mbo twa kakomba cindi nitwa kabulide nswi.” Bakali bazeli banswi zya mpindu. Wa kati, “Twa kasyoma Leza, Jehova, ku buponi bwesu. Elyo Ndiya bucembaala ono; Nse konzyi kukkala a ndinywe balombe kwaciindi cilamfu. Elyo lyoonse Nda, mbuli basyomi boonse bakasimpe, kalangila ciindi kwalo eco Mesiya aku boola. Twa kali jisi misyobo yoonse ya bantu babeji, pele kuboola Umwi wakasimpe, buzubabumwi.” Elyo wa kati, “Cindi oyu Mesiya aboola, Nse yandi nywebo no balombe kucengwa. Oyu Mesiya takabi buyo silwiiyo lwabukombi. Uyo oba Musinsimi, nkambo musinsimi Musa, walo ngo tu tobela, wa kaamba.”

Lino, mu Juda uuli oonse uyo syoma musinsimi wakwe. Wa kaiisigwa kuziba eco. Elyo ikuti na musinsimi waamba kufumbwa cintu cili boobo, nkokuti cili kasimpe. Pele Leza kati, “Ikuti na kwaba umwi aakati kanu, simuuya, na musinsimi,

Mebo nde Mwami njo lizibya Lwangu kuli nguwe. Elyo eco ncaamba cila citika, nkokuti amu mumvwe a ku muyoowa; pele ikuti na taciti, nkokuti muta mu yoowi pe.” Mwabona? Aboobo oko kwakali i—i kusimpikizigwa kwa musinsimi.

¹²⁷ “Aboobo Musa ncobeni wakali musinsimi wakasimpikizigwa, alimwi wa kati, ‘I Mwami Leza wanu uyo busya, aakati kanu, kuzwa kuli babunyina banu, i Musinsimi mbuli ndime. Elyo boonse abo bataka mumvwi bayo nyonyoonwa kuzwa ku bantu.’” Wa kati, “Lino, bana, amuyeeeye, kuti, mbuli ba Hebrayo, tu syoma basinsimi ba Leza iba kasimpikizigwa.”

Lino amuswiilile kabotu. Muta kacilwi kucimvwa. Elyo wa kati, “Cindi Mesiya aboola, muyo Mu ziba, nkambo Uyo ba Musinsimi-Mesiya. Lino, ba kati yakali myaka ili myaanda yone. Ta tuna bede a musinsimi kuzwa Malaki, pele uyooba!”

¹²⁸ Buzuba bumwi, kwiinde lufu lwakwe, myaka misyoonto, mwana wakwe Andreywa wakali kweenda cakulikwaya kunselelo lya nkomwe. Elyo wa kamvwa muntu wagani kazwa mu nkanda, kaamba, “Oyo Mesiya uliimvwi aakati kanu ono!” Oyo sikwaze mupati wakabuka kuya mu nkanda a kuulukila kutala kuya, kati, “I Mesiya uli aakati kanu ndyoonya ono. Ta tuna Mu ziba pe, pele Uli imvwi aakati kanu. Njo Mu ziba, nkaambo Njo bona citondezyo kaciboola kuzwaku Julu.”

Buzuba bumwi wa kati, “Ngooyo, amubone, ngu Mwanaambelele wa Leza ugwisya cibi ca inyika!”

Mpaawa kaunka i...kaunka muntunsi oyu, kuyo jana munyina wakwe. Wa kati, “Simoni, Ndi yanda kuti uboole kokuno; twa mujana Mesiya.”

“Oh, zumanana, Andreywa! Yebo ulizi kabotu loko kwiinda obo!”

“Oh, Ndi lizi. Pele, kuti, Muntunsi oyu ulandeene.”

“Ino Uli kuli? Ino inga Wa zwida kuli?”

“Jesu waku Nazareta.”

“Oyo muunzi, muniini mubyaabi na? Baa, Na takakonzya kuzwa ku busena, bubu mbuli boobo.”

“Ko boola buyo a kubona.”

¹²⁹ Kumalekelo waka moongelezya kuti aselemuke buzuba bumwi. Aboobo cindi na kanjila kunembo lya Mesiya oyu, Jesu kaimvwi awo, kaambaula ku bantu. Cindi na keenda kumbele Lyakwe, Wa kati, “Zina lyako ngu Simoni, alimwi uli mwana wa Jonasi.” Eco cakacicita. Wa kajisi zijaluzyo zya ku Bwami. Nkaambonzi? Wa kalizi kuti oyo Muntunsi taka muzi pe. Elyo mbobuti Mbwa kamuziba, alimwi oyo wisi munaleza mudaala waka muyiisya nzila ya kusyoma Mesiya?

¹³⁰ Kwakali muntunsi wakaimvwi awo, wa zina Iya Filipino. Oh, wa kabotelwa loko! Wa kalizi muntuumbi, wakali kwiiya Bbaibbele a nguwe. Mpaawa wa kaunka, kuzunguluka cilundu, alimwi wa kamujana kuya mu cisaka cakwe ca maolifa. Wa kali kufugama, kakomba. Ba kajisi ziiyo zinji zya Bbaibbele antoomwe, aboobo wakayutuka awo. Elyo wa kati, na kamana kukomba, wa kati, “Boola, ubone Oyo ngo twa jana; Jesu waku Nazareta, mwana wa Josefa. Ngo Mesiya ngotu yandaula.”

Lino Nda konzya kumvwa Nataniyeli kati, “Lino, Filipino, to unkide ku mamanino kusakene, embo na?”

¹³¹ “Oh, peepe. Pee. Lino andi kwaambile. Yebo ulizi, twa kali kwiiya Bbaibbele antoomwe, alimwi ino musinsimi wakaamba buti kuti Mesiya mbwa yooba?”

“Inga uyooba Musinsimi.”

“Yebo ulayeeya oyo muzeli mudaala nko kaula nswi, oyo waata jisi lwiiyo lweelede lwa kusaina zina Iyakwe, uutegwa Simoni?”

“Inzya. Uh-huh.”

¹³² “Wa kayutuka. Elyo ulizi na? Oyu Jesu waku Nazareta waka mwaambila kuteeti zina Iyakwe wakali Simoni, kacinca zina Iyakwe kuba Petro, Iyaamba ‘kabwe kaniini’ a kumwaambila wisi kuti wakalini.”

“Ee,” wa kati—wa kati, “Ta ndizi. Sa inga cintu cibotu cili coonse cazwaku Nazareta?”

¹³³ Wa kati, “Tu tacaambauli pe; koboola buyo a kubona.” Oyo muzeezo mubotu, “Koboola a kubona.”

Aboobo mpaawa Filipino wakasika, kaletelela Nataniyeli. Elyo cindi na keenda kumbele, Jesu antela kaimvwi, kaambaula, antela kakombela balwazi mu mundando wa mipailo. Elyo na kasika kumbele oko Jesu nkwakabede, Jesu waka mulanga koonse, a kuti, “Amubone mu Israyeli muli nguwe mutakwe luuni.”

¹³⁴ Lino, yebo wati, “Ee, yakali nzila mbwa kasamide.” Oh, peepe. Bantubakujwe boonse basama bukozyenye. Inga nakali muna Siria, na kali cintu cili coonse cimbi; malezu, cikobela.

¹³⁵ Wa kati, “Amubone mu Israyeli muli nguwe mutakwe luuni,” munzila imbi, “muntunsi, usinizizye uusyomeka.”

Ee, eco caka baanga capompolola Nataniyeli. Elyo wa kati, “Rabi,” eelyo Iyaamba, “mwiiyi.” “Rabi, ndelili No kasola kundiziba? Mbobuti Mbo ziba kuti Ndali mu Juda? Mbobuti Mbo ziba kuti Ndali kusyomeka, kubula luuni?”

¹³⁶ Wa kati, “Katana kwiita Filipino, cindi noli kungsi a cisamu, Nda kubona.” Uh! Mamaile aali kkumi aosanwe kutantamuka, lubazu lumbi lwa cisi, ijilo.

Ino wa kaamba nzi? “Rabi, Yebo uli Mwana wa Leza. Yebo uli Mwaami wa Israyeli!”

¹³⁷ Pele mpaawo kwakaimvwi bapaizi awo, basikulibanda, basikulyaanzila tulengwa, kati, “Oyu Muntunsi ngu Bezebule, musondi.”

Jesu kati, “Ndiyo mujatila kuli ceeco.”

¹³⁸ Lino, amuyeeye, teeba baka caamba kumvwika, pele ba kacaamba mu myoyo yabo. “Elyo Wa kaziba miyeeyo yabo.” Mbo mbubo. Eco ncencico Bbaibbele ncolyaamba. Amu ciite kuti *kukuwabana* kwa mizeezo ikuti na mulayanda, pele Wa—Wa kaziba miyeeyo yabo.

¹³⁹ Elyo Wa kati, “Nda mujatila kuli ceeco. Pele buzuba bumwi Muuya Uusalala uayosika a kucita cintu nciconya,” kumane kuunka Kwakwe; “kwaamba bbala lya Kuu sampaula, taku kajatilwi mu inyika eyi na inyika iboola.” Sa mbo mbubo? [Mbunga yaamba, “Ameni.”—Mul.] Lino, abo bakali ba Juda.

Mpoonya buzuba bumwi Wa kali kuyandika kuyaku Samaria. Pele katutana buyo kucita eco, tu jana mwanakazi, na i . . .

¹⁴⁰ I muntunsi, mbuli mbwa kainda ku mulyango uutegwa Mubotu, kuti wa kaponesegwa. Elyo Jesu wakalizi ciimo cakwe, nkabela waka mwaambila, “Kobweza buyo bulo bwako akuya ku muunzi.” Elyo wa kacicita, a kuba kabotu.

Mpoonya tu jana kuti, ba Juda, bamwi abo baka Mu tambula. Bamwi baka cisyoma; bamwi tiiba kasyoma. Nkaambonzi ncoba taka cisyoma? Teeba kasalidwe ku Buumi. Teeba kali cibeela ca bube obo.

¹⁴¹ Lino amuyeeye, balo bakali bapaizi a bantu balemu. Elyo Jesu . . . Amu yeeye abo basilwiiyo lwabukombi a bapaizi, bantu mbo takali kukonzya ku jana kampenda mu buumi bwabo. Jesu kati, “Nywebo muli bauso wanu dyabulosi, a milimo yakwe mula icita.” Kati, “Ikuti ni mwali ba Leza, nimwa Ndi syoma. Ikuti na tamu konzyi ku Ndi syoma, amusyome i—amusyome milimo eyo Nje cita; ilungulula Oyo Mbwebede.”

¹⁴² Lino, Bbaibbele lya kaamba, kuti, “Jesu ngu mbobuca nguwenya, sunu, amuya myaaka.” Jesu kati, “I milimo eyo Nje cita uyo icita oyo usyoma Ndime ayalo.” Mbo mbubo na? Amubone, oyo wakali Melikesedeki wini lino.

¹⁴³ Lino amubone, alubo, kwakali buyo mikowa yotatwe iya bantu.

Mwa kandimvwa Nke amba silusalululo. Ndime. Boonse Banakristo mbasilusalululo; kutali lusulalululo lwa mibala, pele lusulalululo lwa muuya. I mubala wa muntunsi iwa lukanda tau jisi cintu kacucita a nguwe. Walo mwana wa Leza ku Kuzyalwa. Pele Munakristo, Leza kati, “Amu Ndi salulwide!” “Amuzwe

aakati kabo,” azimwi zimbi. Ngu silusalululo, ku busofwi, akati kululama a kulubila.

¹⁴⁴ Pele amubone, baka jisi lusulululo kaindi, lusulululo lwa mikowa, abo bakali ba Samaria.

Elyo kuli buyo mikowa yotatwe ya bantu aa nyika; ikuti na tula syoma Bbaibbele; nko kuti, bantu ba Hamu, Shemu, a Jafeti. Abo mbana botatwe ba Nowa. Toonse twakazwa kuya. Mbo mbubo. Eco cibamba toonse kupiluka kuzwa kuli Adamu, eco citubamba babunyina toonse. I Bbaibbele lya kati, “Ku bulowa bomwe Leza wakalenga masi oonse.” Toonse tuli babunyina, kwiinda mu bulowa bukunka mu mubili. I muntunsi uusiya inga wapa mukuwa kulonzegwa kwa bulowa, na bumbi. I mukuwa inga wapa i—i mu Japanizi, muntunsi wayello, na muna India, muntunsi uusubila, na bamwi bambi, na muna Jafeti, na uuli oonse, inga wa mupa kulonzegwa kwa bulowa, nkaambo toonse tuli bulowa bomwe. I mubala wa lukanda lwesu, oko nko twa kapona, takukwe cakucita a ncico.

Pele cindi twa salululwa, ncindi no tuzwa mu inyika, mbuli Mbwa kagusya Israyeli kuzwa ku Egepita. Nce ciindi no tusalululwa kuzwa ku zintu zya inyika.

¹⁴⁵ Lino, kwakali bantu ba Hamu, Shemu, Jafeta. Elyo ikuti na twali jisi ciindi cakutobezya mu mazyalani akaindi, inga mwabona Mukowa wa Bakuwa, oko nkowa kazwida. Lino, oyo wakali mu Juda. . . I mu Samaria, oyo wakali aakatikati ka mu Juda a Simasi, oyo wakasangana kwiinda ku lukwato a Bamasi iku micito ya Balamu, a Moabu. Bakali ba Samaria. Elyo kwakali ba Juda a Bamasi.

Lino, swebo ba Mukowa wa Bakuwa taakwe cintu nco twa kajisi cakucita ancico cili coonse. Kwiina notwakali kusyoma Mesiya uuli oonse, nanka cintu cimbi cili coonse. Tii twakali kulangila umwi. Twa kanjizigwa nokwaainda ciindi.

Jesu waka boola kuli Bakwe Beni, nkabela Bakwe Beni tiiba ka Mu tambula. Elyo Wa kati kuli basikwiiya Bakwe, “Muta njili mu nzila zya Bamasi pe, pele kamuya kwalo ku mbebele zisweekede izya Israyeli.” Elyo Wa kaunka buyo ku mbebele zisweekede izya Israyeli. Elyo amulange, Wa kali yubununa Mwini mbuli Mwana wa muntu, kumbele lya ba Juda. Ba ka Ci kaka.

Lino, ba Samaria, mukuba aakatikati kamu Juda a Simasi, ba kasyoma abalo, alimwi bakali kulangila Mesiya.

Tee twakali kucita. Twa kali bahedeni, katu bbede mifunko, katukomba mituni; i Simasi.

¹⁴⁶ Pele eno buzuba bumwi, Musalali Johane 4, Wa keelede kwiinda ku Samaria, mu lweendo Lwakwe kuselemukila ku Jeriko. Pele wakaunkide kutala kuzunguluka Samaria. Elyo kuciindi Na kaunka kutala kuya, Wa kakkala aa mukalo aanze

lya muunzi uutegwa Sukari. Elyo mukalo, ikuti na wakasola kusika kuya, nkuboneka kuniini koonse kwacooko kutandila mbuli oku kuno. Elyo kuli kasensa kabuleya kuya, ka maanzi, oko boonse nkobakali kusika. Elyo banakazi bala boola cifumo, kubweza nongo zya maanzi, a kuzibikka aa mitwe yabo, a imbi aa kasolo komwe, a kweenda a njiyo mbuli buyo cakunongomana mbuli mbo kukonzeka, taakwe kutila dosi; kwaambaula kuli umwi aumwi. Aboobo, bakali kucita, bantu bakali kunga bazwa awo.

¹⁴⁷ Aboobo eyi yakali kutandila ileveni okuloko kalitwa mwaaba. Aboobo Wa katuma bakwiiya Bakwe mu muunzi, kuyo ula zilyo, cakulya. Elyo kuciindi noba kaunka . . .

¹⁴⁸ Kwakali mwanakazi oyo wakali aampuwo mbi kubuleya. Inga twa mwiita, sunu, mwanakazi uuzuminabiyo, na muvuule. Waa kajisi baalumi banji loko. Aboobo Jesu naka kkede awo, mwanakazi oyu wakalibonya kutandila ileveni okuloko. Mwabona, ta kakonzya kuboola antoomwe a basimbi niba kaboola cifumo kuzoteka maanzi abo akuwashila; wa kacita kulindila mane boonse baka . . . Teeba kali kusangana mbuli mbo bacita ono. Waa kali makidwe. Aboobo mpawo, waa kalibonya kuzoteka maanzi, aboobo waa kabweza buyo cakuguja cakaindi, a kubikka zya kuhaka ku nongo, a kutalika kwiilosezya aansii.

Waa kamvwa Muntuumwi kaamba, “Mwanakazi, ko Ndi letela aakunywa.” Lino, amuyeeye, oyu ngu Melikesedeki. Oyu ngu Jesu, ijilo, Mwana wa muntu.

¹⁴⁹ Elyo waa kalanga koonse, nkabela waa kabona mu Juda. Aboobo wa kati, “Munene, tacili kabotu ku mu Juda kulomba mu Samaria cintu cili coonse. Ndili mwanakazi waku Samaria, aboobo Wa amba cintu Nco teelede. To elede kundi lomba cintu mbuli ceeco. Ta tulidi mu mutiba omwe.”

¹⁵⁰ Wa kati, “Pele ikuti nowali kuzi Oyo wali kwaambaula kuli nduwe, nowa Ndi lomba aakunywa.”

Waa kati, “Mbobuti Mbo yakwaateka? I mukalo mulamfu, alimwi To jisi cintu cakutesya.”

¹⁵¹ Wa kati, “I maanzi ayo Nge pa alo Maanzi aa Buumi, atuntumukila ku Buumi Butamani.”

Wa kwaambaula kuli nguwe mane Wa kajana eelyo penzi lyakwe mbo lyakabede. Elyo mpawo ngu . . . Amulange eco Nca kaamba kuli nguwe eno, “Koya ukalete mulumi wako a kuboola kokuno.”

Elyo waa kati, “Nse jisi mulumi.”

¹⁵² Wa kati, “Yebo waamba kasimpe, nkambo wali kujisi bosanwe, nkabela omwe oyo ngu pona aawe tali wako. Aboobo, muli eci, waamba kasimpe.”

Amulangilile lwandaano akati ka mwanakazi oyo a nkamu eyo ya bapaizi. Waa kalizi zya Leza kunji kwiinda nkamu yoonse ya bapaizi mboya kazyi, kubikka antoomwe.

¹⁵³ Waa kati, “Munene, Nda kuziba kuti Uli Musinsimi.” Waa kati, “Tee twa kajisi omwe kwa myaka iili myaanda yone. Lino, tu lizyi kuti Mesiya ulaboola. Elyo cindi Mesiya aboola, eco ncencico Nca yoocita.” Eco cakali citondezyo ca Mesiya, nkambo Wa kali Mwana wa muntu. Kati, “Eco ncencico Nca yoocita cindi A boola. Yebo weelede kuba musinsimi Wakwe.”

¹⁵⁴ Wa kati, “Nde Ndime.” Taakwe muntu umbi waakonzya kwaamba obo.

¹⁵⁵ Waa kalosya eyo nongo ya maanzi a kuzuzila ku muunzi, a kuti, “Amuboole, mubone Muntunsi Oyo wandaambila eco nce Nda kacita. Sena oyu tali ngoonya Mesiya?”

Lino amuyeeye, Wa kasyomezya kucita eco cintu nciconya ku mamanino aa mukowa wa Bamasi.

I ba Juda lyonse baka jisi myaka iili zyuulu zyone ya kulangila Mesiya oyo, kwa myaka iili zyuulu zyone iya kuyiisya kuti Wa kali kuboola, alimwi a ceeco Nca yoocita cindi A sika kuya, nkabela baakakilwa ku Mu bona, na kukakilwa ku ciziba. Elyo cindi Na kali yubununa Mwini mu mbaakani nzyoonya zya Bbaibbele Nzya kaamba kuti inga Uyo oba, cindi Na kali theofani elyo mpawo kuba mu mubili wabantu a kukkala aakati kabo, bakaakilwa ku cibona, nkabela bakaita milimo Yakwe kuteeti milimo ya dyabulosi.

¹⁵⁶ Lino bakali jisi myaka iili zyuulu zyone iya kuyiisya, kuselemuka kwiinda mu mbungano ya Katolika yabana Roma, kuzwa Iya baapostolo. Mpoonya twa selemuka kwiinda mu Katolika yabana Roma, i Griki, abamwi bambi, kuzumanana kuyaansi ku bukkalo bwa Luther, a Wesley, abambi, tubunga twandeene tuli myaanda ili fuka kuselemuka. Ba kali jisi makkalo aya oonse, kabayiisya.

Lino Wa kasyomezya, kakutanaba buyo ciindi ca mamanino kacitana kusika, cakuti cifwanikiso ca Sodoma a Gomora ciyooba alubo, “Mbuli mbo cakabede mu mazuba akwa Sodoma, mbubonya mbo ciyakuba mu kuboola kwa ciindi caku mamanino, Mwana wa muntu uyo liyubununa Mwini alubo.” [Kabeela katakwecintu aa teepu—Mul.]

“Nekubaboobo kaindi kaniini a inyika taika Ndi boni limbi; nekubaboobo muyo Ndi bona, nkambo Mebo,” bbala Iyaamba muntu cigaminina, “Mebo ndiyooaba a ndinywe, akwalo muli ndinywe, ku magolelo, mamanino aa inyika. Ndi yooba a ndinywe.” Ngu mbobuca nguwenya, sunu, amuya myaaka. Sa mwabona?

¹⁵⁷ Nywebo mwabona, mu *Samaria* wakali, mubwini, kuzwa ku nkambauko yangu masiku ainda, wakali Hagare, mwabona,

cikozyano cipilingene. I mu *Juda* wakali Sara, na wakali muna Sara. Pele *Simasi* ngwa Maria, Lunyungu lwa Bwami, Lunyungu lwa Bwami ilwa Abraham.

¹⁵⁸ Lino kwa syomezegwa kuti mu mazuba aya aku mamano, kuti, oyu Leza nguwenya, oyu Kristo nguwenya, uyo piluka kuno a kuli yubununa Mwini mbuli Mwana wa muntu.

Nkaambonzi? Ngu mbobuca nguwenya, sunu, amuya myaaka. Elyo ikuti na Wa kalekela ba Juda abo kuzwidilila aco, a kubapa citondezyo eco ca Mesiya, alimwi mpawo kuboola ku mamano a kwiiya kwa Bamasi a kubalekela kunjila biyo mu lwiiyo lwabukombi, inga Waba uataluleme. Walo uleelede kucita cintu ncoonya, nkaambo Bbaibbele lya kati, mu kkumiatu- . . . Hebrayo 13:8, “Ngu mbobuca.”

Elyo Wa kasyomezya muli Malaki 4, a Malembe oonse andeene, kuti, mazuba aaku mamano, mbungano ino bambidwe mbubonya biyo mbuli mbo cibede sunu, a inyika kuteeti iyooaba.

¹⁵⁹ Amulange ku inyika sunu. Amulange ku ciimo ca Sodoma. Amulange ku minzumo yanyika mu masena ansininsini, a zintu ezyo zili mukucitika. Amulange ku mbungano a kunyongana muli njiyo, kwa Babuloni. Amulange ku mutumwa kuli njiyo, Oral Roberts a Billy Graham.

G-r-a-h-a-m, ciindi citaanzi notwa kasola kuba a mutumwa, ku mabungano oonse, cakuti zina lyakwe kusola kumana a h-a-m, mbuli Abraham. A-b-r-a-h-a-m ntubala tuli ciloba. G-r-a-h-a-m ntubala tuli cisambonwe. Ino tuli aali? Ku inyika. Cisambomwe caamba mweelwe wa muntunsi. Muntunsi wakalengwa buzuba bwacisambomwe. Pele ciloba mweelwe wa Leza.

¹⁶⁰ Lino amulange kuli balo kumusanza kuya mu Sodoma. Elyo mbaabo batumwa babo kumusanza kuya kabaambaula kuli mbabo.

Pele mpawo luli kuli Lunyungu lwa bwami ilwa Abraham? Cili kuli citondezyo cabo, eco Nca kaamba? “Mbuli mbo cakabede mu mazuba aa Sodoma,” cakuti Leza wakaseluka aansii nkabela waka tondezegwa mu mubili wabuntu, a kwaambila Sara eco ncakali kuyeeya kusule mu moyo wakwe, mu tente kunze Lyakwe, citondezyo ca mamano kakutanaba kunyonyooka kwa inyika ya Bamasi ku mulilo. Elyo Mbungano ili jisi citondezyo cayo ca mamano inyika yoonse kaitana kuyo nyonyoonwa, obu bwami bwa Bamasi ku nyonyoonwa ku mulilo a bukali bwa Leza. Sena mula syoma eco? [Mbunga yaamba, “Ameni.”—Mul.]

¹⁶¹ Oyo Melikesedeki wakali buntu, wakali tondezya Mwini mu mubili wabuntunsi; alimwi mpawo kumane Wa kaba mu mubili wabuntu. Elyo eno, sunu masiku, Ngu mbobuca, nguwenya,

sunu, amuya myaaka. Sena mula cisyoma? [Mbunga yaamba, “Ameni.”—Mul.]

¹⁶² Nguni oyu Melikesedeki, mpawo, uli ngu mbobuca nguwenya, sunu. . . “Ta kajisi wisi, ta kajisi banyina; Ta kajisi matalikilo aa mazuba, Ta kajisi magolelo ali oonse a buumi.” Elyo Wa kaswaana Abraham, elyo nцитondezzyo nzi Nca kacita? Mpawo cindi Na kaba mu mubili wabuntu, Wa kati ciyo loolola kakutanaba buyo ciindi caku mamanino. Sena mula syoma eco? [Mbunga yaamba, “Ameni.”—Mul.] Nda cisyoma. [“Ameni.”]

Atu kombe.

¹⁶³ Oyandwa Leza, Nda syoma Malembe, kuti Wa kaamba kuteeti Wa kali “mbobuca nguwenya, sunu, amuya myaaka.” Elyo mbuli cakusinizya mu moyo wangu, Mwami, Ndi lizyi kuti cintucimwi cilaafwi kucitika. Ta ndikonzyi kuciziba kumaninina. Nda yoowa kwaamba cintu cili coonse, Mwami. Yebo ulizyi moyo wa muzike Wako.

¹⁶⁴ Elyo ku ziindi zinji, muciiindi coonse kwiinda mu bukkalo cindi Ne wakatuma zintu, bantu ba kaalilwa kucimvwa. Muntunsi ulazumanana kulumbaizya Leza kuli ceeco Nca kacita, a kwaamba zintu ezyo zipati Nzya yoocita, pele katabikkili maanu kuli eco Ncali mukucita. Aboobo mbo cakabede kwiinda mu bukkalo. Nkaambonzi mbungano yabana Roma neya kaakilwa kuziba Musalali Patrick mbuli musinsimi wa Leza? Nkaambonzi nco bakajaya Joan waku Arc cindi naa kali i—i musinsimi mukaintu, kamuumpa mbuli mulozi? Taata, lyoonse tacimvugwa. Yebo ulacisisa ku meso a basongo a basimaanu. Ta cigambyi Wa kaambila bapaizi, “Nywebo mula botya tubanda twa basinsimi, nkabela ndinywe mwaka babikka muya.” Niba kamana kuunka, ba kabona bulubizi bwabo. Bala Ku penzya lyoonse, Mwami, mu ciimo cili coonse Mo boolela.

¹⁶⁵ Nda komba, sunu masiku, Leza, ciindi comwe buyo cimbi. Juunza tu kanzile kuba. . .kuya ku Tucson. Zibeela zimbi zya inyika, madolopo ambi mo tweelede kukambaukila. Pele, Oyandwa Leza, antela kuli mweenzu awa sunu masiku oyo uutana. . .Ba mvwa Majwi akambaukwa, pele tabana Ci bona kutondezegwa.

Mbuli mbo Nda Ku lombu ku kutalika. Cindi basikwiiya abo, Kleopasi a mweenzinyina, kaba boola kuzwa ku Emau, bakali kwaambaula mu mugwagwa, nkabela Wa kabbunuka kuzwa ku cisaka a kutalika kwaambaula kuli mbabo, kwiinde bubuke, kakambauka kuli mbabo. Baa, Wa kati, “Bafubafuba, ba moyo uukakilwa. Sena tii mwakazi kuti Kristo wa keelede kupenga ku zintu ezi, mpawo ku njila mu bulemu Bwakwe?” Pele nekubaboobo teeba kaciziba. Buzuba boonse ba keenda a Nduwe, alimwi nekubaboobo teeba ka Ku ziba pe. Pele busiku bumwi. . .

Busiku bwakasika, baka Ku sungilizya kuti unjile. Cindi ni bakanjila mu buyake buniini bwabeenzu banamaleya a kujala milyango, mpawo Wa kacita cintucimwi mbubonya biyo Mbo wakacicita kakutanaba kubambulwa Kwako, nkabela baka ciziba kuti wakali Kristo wakabuka. Mu ziindi zisyoonto Wa kali kunze Iya zisitilizyo a kuunka. Cakufwambaana bakazuza a kwaambila basikwiiya, “I Mwami wabuka ncobeni!”

¹⁶⁶ Taata, Leza, Nda syoma kuti Yebo ucipona. Ndi lizi kuti Mbo bedede. Elyo Wa citodezya kuli ndiswe ziindi zinji loko. Sa inga To cicita ciindi comwe cimbi kuli ndiswe, Mwami? Ikuti na twa jana luzyalo ku meso Aako, cilekele cicitike ciindi comwe cimbi. Ndili muzike Wako; aba mbazike Bako muno mukati. Mwami, koonse Nko ndaamba takukonzyi kukomena. . . Ijwi lyomwe buyo kuzwa kuli Nduwe inga kwaba kunji kwiinda Nko ndaamba mu masiku aya ali osanwe, na milumbe yosanwe. Inga kwaba kunji, ijwi lyomwe buyo kuzwa kuli Nduwe. Sa To koambaula, Mwami, kutegwa bantu bazibe kuteeti Nda baambila Bwini? Ko cipa, Leza. Nda cilomba mu Zina Iya Jesu, eci cindi comwe cimbi. Amen.

¹⁶⁷ Lino, Nse muzyi. Ndi zyi bantu bamwi. Ndi zyi mulombe oyu uukkede *awa*. Ndi zyi Bill Dauch uukkede mpoonya *awo*. Ndi yanda ku . . . Ngooyu Mukwesu Blair, Rodney Cox. Nciyumu kubona kubusena obo.

Ku lubazu *olu*, mpoonya aa ciindi eci ta Ndi konzyi kubona muntunsi, mubwini, oyo ngo Ndi zyi.

¹⁶⁸ Lino mbangaye muno abo bazi kuti Ndili mweenzu kuli ndinywe? Amunyamune maanza anu, bazi kuti taakwe Nce zyi kujatikizya ndinywe, amunyamune maanza anu ku mabazu oonse.

Mbangaye muno abo bajisi cintucimwi cilubide, na cintucimwi eco ncomuzi kuti Nse zyi makani aco? Mwalombwa munyamune maanza anu.

Lino, inga caba ciyumu ncobeni, kumaninina ncobeni kuli ndime kuziba cintu cili coonse kujatikizya ndinywe. Kunzilaimbi, mpawo, inga ceelela kuzwa ku ciyubunuzyo cimwi ca Muuya.

Elyo mukuba kuti Nda mwaambila masiku aya oonse, a sunu masiku, kuti Ta fwide pe; Mpali ano, alimwi wakasyomezya kucita cintu ncoonya. A kusyomezya kuti kuyo sika ciindi ku mazuba aku mamanino, kweendelana kuli Malaki 4 a kweendelana ku Musalali Luka, kuteeti Uyo libonya alimwi muciiimo cabuntu aakati ka bantu Bakwe a kucita zintu nzyoonya, a kuyubununa cintu ncoonya, citondezyo ncoonya ca Mesiya. Mbangaye bazi ceeco, nywebo no basikubala iba Bbaibbele, bazi kuti Mbwini? Amwaambe, “Ameni.” [Mbunga yaamba, “Ameni.”—Mul.] Kuleelede kuli basikubala boonse iba Bbaibbele.

169 Lino, Ndi lizyi nceenzu ku bantu sunu, pele nekubaboobo Mbwini. Ako nkekaambo teebe kaziba Jesu waku Nazareta. Ba kazi tunsiyansiya twabo itwa mbungano, pele teebe ka Mu ziba. Pele Wa kaboola nzila njiyonya Bbaibbele mbolyakaamba; kutali silwiyo lwabukombi, kutali mupaizi. Wa kasika mbuli Musinsimi, nkabela Bakwe Beni tiibaka Mu tambula.

170 Lino, ikuti na Leza uyozulizya Ijwi Lyakwe, alimwi ikuti na Nda citika ku. . .ca citika kuwida aa muntu umwi oyo Ngwe zyi, nkokuti Njo—Njo jana muntu umbi. Mwabona, Ndi yanda muntuumwi oyo Ngwe ntazyi. Elyo Ndi yanda kuti mukombe.

171 Lino, amulange, kwakali mwanakazi muniini ciindi cimwi waka jisi bukompami. Waa kabelesya mali akwe ku madokotela; teebe konzya kumugwasya. Elyo waa kaamba mukati ka moyo wakwe, “Ikuti na Nda guma cikobela ca Muntunsi oyo, Ndiyo oba kabotu.” Mula yeeya kaano? Elyo aboobo boonse babo bakasola ku mutantamuna, pele waa kalisyanikizya kwiinda kusikila waa kaguma cikobela Cakwe, wakajoka a ku kkala.

172 Lino amuswiilile kabotu. Elyo mpawo cindi Na kacita eco, cindi naa kacita eco, Jesu wakanyona a kwaamba, “Nguni wa Ndi guma?”

173 Baa, Petro muapostolo waka Mu tapatila. Antela wakaamba cintucimwi mbuli, “Mwami, utaambi cintu mbuli eco. I bantu bayo syoma kuti kuli cintucimwi cilubide kuli Nduwe. Nkaambo, cindi ni Wa baambila kulya mubili Wako a kunywa Bulowa Bwako, bayeeya kale kuti kuli cintucimwi cilubide. Elyo Yebo wati, ‘Nguni wa Ndi guma?’ Baa, nkamu ya bantu yoonse ilimu Ku kuguma.”

174 Wa kati, “Iyi, pele Nda mvwa kuti bukozu bwazwa kuli Ndime.” Oko kwakali kugumwa kwa musyobo wandeeene. Lino, kufumbwa muntu uulizi kuti *bukozu* ni “nguzu.” “Nda kompama; bukozu bwa Ndi siya.”

Elyo Wa kalanga koonse ku baswiilizi kusikila Wa kajana mwanakazi muniini, a kumwaambila makani a munzwi wa bulowa wakwe. Elyo waa kamvwa mu mubili wakwe kuti oko kuzwa bulowa kwakaima. Mbombubo na? Elyo Wa kati, “Lusyomo lwako lwa kuvuna.”

Lino, bbala lyaci Griki awo ngu *sozo*, eelyo lyaamba ncobeni “kavunwa,” kunyama na kumuuya, ncimwi biyo. Wa “kavunwa.” Walo ngo—Walo ngo Mufutuli wako.

175 Lino, ikuti na oyo Ta kali wajilo, alimwi nzila Mbwa kacita, kutondezya kuti Wa kali aakati ka bantu, Mesiya waka syomezegwa; alimwi nje nzila Nja kalizibya Mwini, a cisyomezyo kwiinda ku Bbaibbele, Uyo cita cintu ncoonya lino; inga Ta cita na, inga Ta cita cintu nciconya?

176 Yebo wati, “Sena Wa kaamba kujatikizya kuponya balwazi?” Inzya!

Iba Hebrayo, Bbaibbele Nde ndazwa kubala biyo, kaamba kuti, “Jesu Kristo lino ngo Mupaizi Mupati uukonzya kugumwa kwiinda kukulimvwa kwa kulengauka kwesu.” Mbangaye bazi eco kuti mbwini? [Mbunga yaamba, “Ameni.”—Mul.] I Bbaibbele lyakaamba obo. “Walo Mupaizi Mupati lino uukonzya kugumwa kwiinda kukulimvwa kwa kulengauka kwesu.” Mpawo ikuti na Walo Mupaizi Mupaiti nguwenya oyo Wa kali kaindi, mbobuti Mbwa nga wacita lino? Inga wayandika kucita nzila njoonya Nja kacita kaindi, ikuti na Walo Mupaizi Mupati nguwenya. Lino, inga wa . . .

Nseli Mupaizi wako Mupati. Inga wandi guma, nkabela inga caba biyo mbuli kuguma mulumi wako, na munyoko wako, na kufumwa umbi, i muntunsi.

¹⁷⁷ Pele kolekela lusyomo lwako ku Mu guma, a kubona eco cicitika. Lino, ikuti na Mebo ndi muzike wa Leza nkabela ndamwaambila Bwini, Leza uyo simpikizya obo kuba Bwini. Elyo eco inga catondezya kuti Jesu Kristo ulapona sunu masiku, kaimvwi awa. Sa mbo mbubo? [Mbunga yaamba, “Ameni.”—Mul.]

Lino, muli jisi lusyomo, lubazu biyo lomwe ku ciindi, lubazu lomwe. Nywebo muli jisi lusyomo kubusena obo. Ncibotu ndibe ku maikkrofooni awa, nkaambo taba konzyi kundi mvwa.

¹⁷⁸ Muntuumwi alungumane buyo kuli Leza, a kwaamba, “Leza, uulya muntu ta ndizyi. Taakwe cintu ncazi a ndime. Ndi mweenzu uumaninide kuli nguwe. Pele lekela lusyomo lwangu ku Ku guma, Mwami. Elyo Uli zyi penzi kuli ndime, Mwami. Yebo uli zyi koonse kwangu. Yebo uli zyi kuti Ndi meni, mbubonya mbuli Mbo wakaziba kuti Petro wakalini, mbubonya buyo Mbo wakaziba Nataniyeli, mbuli Mbo kazi eco cacalubide ku mwanakazi wakali kuciswa munzwi wa bulowa. Elyo muntunsi oyu wandaambila kuti Nduwe ‘mbobuca nguwenya, sunu, amuya myaaka.’ Mpoonya, Mwami, lekela lusyomo lwangu Ku kuguma.”

Elyo ikuti na Ula cita, a kulitondezya Mwini cakutonkomeka awa, mbangaye bayo Mu syoma a moyo wabo oonse; ikuti Ula cicitika nekuceya kuli omwe, na bantu bobilo, na bali botatwe, ku i—ku i bumboni? [Mbunga yaamba, “Ameni.”—Mul.] Leza amu longezeye.

¹⁷⁹ Lino, Taata Leza, eci tacili mu maanza aa muntu uuli oonse cakumaninina. Inga caba cikankamanisyo ciinda. Aboobo Nda lomba kuti Uyo ndigwasya eno, Mwami. Ndili mu maanza Aako. Kocita kuli ndime mbuli Mbo bwene kweela. Mu Zina lya Jesu. Amen.

¹⁸⁰ Lino, uta libiliki. Cabubombe biyo, cabulemu koamba, “Mwami, Ndiyo Ku belekela. Elyo obo buyooba bwini, kuti, ikuti na inga Nda guma cikobela Cako, mpoonya Uyo vwiila

kwiinda mu muntunsi oyo. Eci ciyo nditondezya eco nca amba kuti Mbwini.” Mbombubo na?

¹⁸¹ Mbangaye bakasola kubona cifwanikiso ca Mumuni oyo? Nkocili koonse mu cisi, masenaonse. Sayansi yaka cikkopa a kucilanga langa, a masenaonse. Lino, Mpali mpoonya awa ono; Umwi nguwenya oyo wakaamba zya *Lukwatano A Kulekana*, Umwi nguwenya wakali aa cilundu, kazunganya zilundu kaindi kuya, Umwi nguwenya wakali kunselelo awa ku mulonga mu '33, mbobuca nguwenya, sunu, amuya myaaka. Ngu mbobuca.

¹⁸² Lino, ngooyo mwanakazi, nkabela waa ziba eno kuti cintucimwi cacitika. Oyo Mumuni ula lengelela mpoonya atala lyakwe. Walo ukkede mpoonya *awa*, uusamide nsweta ya nyanzabili, na cintucimwi. Nse muzi mwanakazi. Ndi yeeyela kuti tatuzibene umwi aumwi. Kuli luzi. Sena ula syoma kuti Leza . . . Uli—uli mukubula kwa cintucimwi, alimwi ulasyoma kuti Leza inga wandiyubunwida penzi lyako mbolibede? Elyo ikuti na Wa cita, mpawo ulizi ziyoooba nguzu zya cigambyociinda, nkaambo Nse kuziyi. Elyo cileelede kwiinda mu cigambyociinda.

Citola ali eco ncoyeyya kuti mbocibede. Yebo inga waba ku lubazu lwa bapaizi, baka ciita kuti “i dyabulosi,” na inga waba ku lubazu lwa musyomi a kuciita kuti “Leza.” Kufumbwa mbo syoma, nko nkoko bulumbu bwako nkobuyo zwida.

¹⁸³ Ikuti na Leza uyo ndiyubunwida penzi lyako, sa uyo Mu tambula mbuli wako—mulungo wako wa penzi? Nse zyi penzi mbolibede. Pele Ndi lizyi, alimwi uli lizyi, kuti cintucimwi cili mukucitika.

¹⁸⁴ Lino, lino andi kwaambile biyo mbo limvwa, elyo mpawo uyo ziba; kuli mvwa kwakupumuna, kubotu, kukasaala ncobeni. Ndili langide nkoonya kugama kuli Nguwo. Walo oyo Mumuni, Mumuni wa mubala uusalaluka ayello uulengelela kuzwa ku mwanakazi.

Elyo mulindu uciswa penzi lya mwida mwakwe. Ci baanga ncikoto, mbuli, mwida mwakwe. Ta zwi kuno pe. [I mucizi waamba, “Yaa.”—Mul.] Peepe. Yebo uzwa kulaale kuzwa kuno embo na? Mbo mbubo. Yebo uzwaku Wisconsin. Sa kuli luleme? Masimpe. Lino wa ponesegwa. Lusyomo lwako lwa kuponya.

¹⁸⁵ Lino amu ndaambile Oyo mwanakazi ngwa guma? Ndili mayaadi aali makuni obile kuzwa kuli nguwe. Waa guma Jesu Kristo, Mupaizi Mupati. Sena mula syoma eco? [Mbunga yaamba, “Ameni.”—Mul.]

¹⁸⁶ Ndi langide ku mwanakazi oyo ngo Nda kananina. Oyu mwanakazi, Ndi langide nkoonya kuli nguwe, nkaambo uli mukukombela mwaalumi canguzu loko. Waa ndaambila kuti wajisi mwaalumi . . . Ta ndaambila cintu kujatikizya ncico.

Pele zina lyakwe ngu Muka. Waldrop. Walo uzwa ku Phoenix. Waa kabusigwa kuzwa ku bafu, nkabela dokotela wakwe

wakasika ama ekisi reyi a ku tondezya kkulenge mu moyo wakwe. Waa kafwida mu mundando wa mipailo. Calampa buti kuzwa nicakacitika, Muka. Waldrop? Myaka iili kkumi alusele yainda, nkabela ngooyo ulikkede sunu masiku, bumboni bupona. Dokotela wakwe wakasika ku muswaangano, kaleta i . . . Kati, “Mbobuti mwanakazi mbwa konzya kupona?” Pele ngooyo we, alimwi taakwe citondezyo ca ndilyo.

¹⁸⁷ Waa letelele muntumwi, alimwi ulimu kumukombela. Lino, uli mukufwa, ku bulwazi bwashuga. Lino, eco Nda lizyi. Pele mukuba kuti waali kukomba . . . Yebo ulizyi kuti Nse zyi kuti nguni, Muka. Waldrop.

¹⁸⁸ Walo uzwa ku Missouri, elyo zina lyabo Mba. Cooper. Mbo mbubo. Lino, mula syoma, inga mwajoka ku muunzi a kuba kabotu, munene. Cili kuli ndinywe, ikuti na mwa cisyoma.

¹⁸⁹ Ngooyo mwanakazi, nkabela uciswa cilwazi ca kufundilila, buyumuyumu. Ta zwi kokuno pe. Uli kkede kubusena oko mu baswiilizi, nkonya kubusena *kuya*. Nda syoma ula ba . . . Ta zwi kokuno pe. Walo uzwa ku Georgia. Muka McKenny. Sena ula syoma a moyo wako oonse, a kusyoma kuti Leza uyo kubamba kuba kabotu? Koima ku matende ako, ikuti na uli mweenzu kuli ndime nkabela obo mbwini. Jesu Kristo akuponye. Sena ula syoma?

[Mukwesu Branham wafutatila mbunga—Mul.]

¹⁹⁰ Kusule lyangu, ngooyo mwaalumi uukkede kunze lyangu. Uli mukukwaba Leza. Elyo cintu ncayanda; ujisi muvwanda oyo ujisi penzi lya moyo. Elyo muvwanda oyo ujisi ku nzwiima mu moyo wakwe, mbubonya dokotela mbwa kaamba. Elyo zina lya mwaalumi Mba. Cox. Amwi ime, Ba. Cox. “Elyo Wa kaambila Sara eco ncakali kuyeeya, kusule Lyakwe.”

[Mukwesu Branham wazumanana kufutatila mbunga—Mul.]

¹⁹¹ Nkoonya kwakwiinda kuzwa kuli nguwe, kuyaambele aniini kusule, mwaalumi oyo tazwi kuno, pele kuzwaku New Mexico. Nse na mubona, mu buumi bwangu. Ndi langide nkoonya kuli nguwe lino, nkabela uli kunze lyangu. Walo uzwa ku New Mexico. Elyo mwaalumi ujisi musimbi oyo ngwa bikkilide maanu, nkabela musimbi oyo ujisi cintucimwi cilubide ku mulomo wakwe. Calo nci . . . I nkutala lya mukanwa lyakwe nko kulubide. Elyo zina lyabo Mba. West. Mwalombwa mwiime, munene. Ndili mweenzu ncobeni kuli ndinywe, pele Mwami Leza uyo ponya mwana wakwe.

¹⁹² Sena mula syoma a moyo wanu oonse? [Mbunga yaamba, “Ameni.”—Mul.] Mbangaye banu eno basyoma a moyo wanu oonse? [“Ameni.”] Lino, sa Jesu Kristo tali mbobuca nguwenya, sunu, amuya myaka? [“Ameni.”] Sa ula Mu tambula mbuli Mufutuli wako? Tambika janza lyako. [“Ameni.”] Sena ula Mu syoma kuba Musilisi wako? [“Ameni.”]

193 Ngooyu, ngooyu muntu uukkede awa, mulema na cintucimwi, uulede aa kalo.

Ena inga mwandimvwa kwiinda mu maikki eyi? [Mukwesu Branham wabweza maikkrofooni a kweenda kuya ku moombe wa cibumbili a kwaambaula ku mwanakazi uula kalo—Mul.] Ta ndikuzyi. Uli buyo mwanakazi uulede awo. Ikuti na Nda konzya kukuponya, inga Nda cicita. Nse konzyi kukuponya.

[I mwaalumi watalika kulila—Mul.] Ncibotu. Walo mwaalumi buyo oyo uli mukutangala. Mwana wakwe waponesegwa.

Ta ndikuzyi. Uli mwanakazi, nkabela Ndili mwaalumi. Eci nciindi citaanzi nco twa swaangana mu buumi, Nda yeeyela. Bantu aba . . . ? . . . ba kuleta. Mukasimpe, eci nciindi citaanzi kuno; kuleta buyo mukati. Yebo uzwa kulaale. Ujisi cinziniimwa ca lufu. Yebo ujisi kkulenge. Tabuli bulema. Ndi kkulenge. I madokotela taacikonzyi ku kugwasya limbi. Cili luzi. Elyo weelede kufwa ncobeni; madokotela ayo taacikonzyi ku kugwasya limbi.

194 Ciindi cimwi kwakali basicinsenda botatwe baka kkede ku mulyango wa Samaria. Elyo basicinsenda bakati, “Nkaambonzi ncotu kkalila awa mane tufwe?” Nkaambo, malwazi oonse, kufwanzala ya lufu, a kulidilana bana ba umwi aumwi. Ba kati, “Ikuti na twa selemukila ku cilabba ca sinkondo, ba Siria; ikuti na ba tujaya, tuyo ofwa, nekuba. Elyo ikuti na batu vuna, tuyo pona.” Elyo ba kabweza ciindi eco ceelede. Elyo, ku lusyomo olo, teeba baka livuna buyo pele nkamu yoonse.

195 Lino, uyoofwa ikuti na kolede awo. Pele toambilwi kuya ku cilabba ca sinkondo pe. Pele watambwa ku ng’anda ya Taata, . . . ? . . .

196 Yebo ulimukufwa ku kkulenge. Yebo tokonzyi kupona kunze lya Leza. To zwi mu dolopo eli. To zwi kubusena buno. Wa boola lweendo lulamfu. Yebo uzwa ku Milwaukee. Oko kuli luzi. Mbo mbubo. Nda bona dolopo. Ndi lilizyi. Mbo mbubo.

Sena ula syoma? Sa ula tambula Leza ono mbuli Musilisi wako? Ikuti na uyo cita, takukwe makani mbokompeme, mboli sibukili bulo, Nda syoma, mu penzi lyako, inga Nda buka mu Zina lya Jesu Kristo. Elyo kobweza kalo ako a kuya ku muunzi, a kuponena bulemu bwa Leza. Sa ula ndiswiilila, mbuli musinsimi wa Leza? Nkokuti nyamuka a kuunka. Ube kabotu! Uta yoowi. Kobuka kuzwa ku kalo; Leza ula kubamba kuba kabotu. Mwabona?

197 Muntuumwi amujatilile kutegwa akonzye kwiima a kujana nguzu. Sena ula syoma Leza? Komuleka buyo ajane nguzu zisyoonto; ulaba kabotu. Nce ncico, mucizi. Ngooyo kai, mu Zina lya Mwami Jesu! [Mbunga yakondwa kuciindi mucizi lino mbwaimvwi—Mul.]

Atwi imikile akupa kulumbaizya kuli Leza. Ngu mbobuca nguwenya, sunu, amuya myaaka! [Mbunga yakondwa loko a kulumabizya Leza—Mul.]

Koya, nkabela Mwami Jesu Kristo akulongezye. Ube kabotu. [Mbunga yazumanana kukondwa loko a kulumba Leza—Mul.]



NGUNI OYU MELIKISEDEKI? TNG65-0221E
(Who Is This Melchisedec?)

Oyu Mulumbe aa Mukwesu William Marrion Branham wakakambaukwa lutaanzi mu Chikuwa Munsondo mangolezya, Mulumi 21, 1965, ku Parkview Junior High School mu Jeffersonville, Indiana, U.S.A., waka gusigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obu busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2018 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org